

光緒重修安徽通志

重修安徽通志卷九十九

武備志

兵事

前事不忘後事之師也惟兵無定形瞬息千變繫古已然之局未可執迹以爲履然而形勢輕重兵家勝負事具簡編是在心知其意者神而明之耳安徽與蘇浙江西湖北河南接境四方有事則安徽當其衝安徽有事則四方亦受其敝歷代皆然我朝三藩之役兵端甫見卽蒙

聖祖仁皇帝以安慶爲上游重地豫駐重兵然後東南財賦之區晏然無事邇者粵捻蠭起弄兵潢池賴我

文宗顯皇帝聖謨廣運命將出師我

穆宗毅皇帝御極之初卽克復安慶建瓴之勢成然後大憝就殲羣寇

以次撲滅然則安徽之兵事志乘所宜詳述矣舊志起周元王三年訖於明季大較本諸通鑑綱目而不注所本抄撮亦有闕誤今細考原書增注出處更輯經史略加補正自我

世祖章皇帝平定江南至我

穆宗毅皇帝平定粵匪捻匪悉遵

國史方略恭輯偶采府州縣志暨時人撰述之文亦必慎擇其近是者乃著於篇并一一標明根據冀足徵信將來以敬揚我

國家億萬年無疆之休而形勢輕重蓋亦具矣述武備志兵事

夏后氏大禹元歲會諸侯於塗山

塗山在懷遠縣山南有禹會村通鑑輯覽謹案周書

曰其克詰爾戎兵以陟禹之迹塗山之會戮防風矣玉帛亦詰戎兵也其後會稽之會戮防風矣

夏后癸五十有三歲王奔南巢後三年卒於亭山

通鑑輯覽南巢今巢縣

亭山淮南子作歷山即今和州歷陽山見

通鑑輯覽注又史記夏本紀正義引括地志巢縣有巢湖即南巢附案元和郡

縣志巢湖故城在陽縣東西十二楚有二  
巢一在廬江六縣其南巢築所奔處蓋此地也

周武王崩成王少周公當國使其子伯禽代就封於魯管蔡等

反也淮夷徐戎亦並興反周公興師東伐誅管叔殺武庚放蔡

叔甯淮夷伯禽率師征徐戎作辟誓遂平徐戎史記魯世家周本紀正義引

括地志泗水徐城縣北三十里古徐國即淮夷也言淮夷徐戎並興史記魯世家注引孔安國云淮夷淮浦之夷

徐戎徐州之戎是淮夷徐戎為二周公甯淮夷伯禽平徐戎史

文亦分明古徐國是徐戎括地志謂即淮夷誤地理今釋泗

州徐城縣古徐國隋徐州下邳郡徐城縣唐河南道泗州徐城縣今泗州盱眙縣西五十里

穆王十有七年王西巡狩徐戎叛王歸使楚子伐徐克之徐子

北走彭城通鑑覽宣王二年王既命召虎平淮南之夷乃親率六師太師皇父為

帥程伯休父為司馬以征淮北徐戎徐方來庭同上

平王五十年夏五月莒人入向春秋魯隱公二年杜預曰諱國龍亢縣有向城案故向城在

今懷遠縣西四十里

惠王二十年徐人取舒

春秋僖公三年杜預曰徐國在下邳僖縣東南案晉之僖縣在今泗州東北

即伯禽穆王宣王所伐之徐戎杜預曰舒國在蘄江舒縣案兩漢舒縣今蘄江縣西百二十里晉舒縣今蘄江縣治

襄王七年春楚人伐徐三月諸侯之大夫帥師救徐冬楚人敗

徐於畝林

春秋僖公十五年左傳杜預曰畝林徐地僖縣東南有畝亭通鑑輯覽注鳳陽府虹縣古畝亭是

謹案虹縣今泗州是

八年冬十有二月諸侯會於淮謀鄫且東略也

春秋僖公十六年左傳杜預

曰臨淮郡左右案晉臨淮郡今盱眙縣治

九年春齊人徐人伐英氏以報畝林之役也

春秋僖公十七年左傳杜預曰蘄

江郡六縣西有英氏城江南通志云六縣今六安州西有英氏城接英山境案姚培謙云今六安州西有英氏城接英山境

十三年春宋人爲鹿上之盟公子目夷曰小國爭盟禍也宋其

亡乎幸而後敗

春秋僖公二十一年左傳杜預曰鹿上汝陰原鹿縣案晉原鹿縣今阜陽縣南太和縣西有

原鹿故城

十五年秋楚成得臣帥師伐陳取焦夷

春秋傳公二十三年左傳杜預曰焦今譙縣

夷一名城父今譙郡城父縣案晉譙縣今亳州治晉城父舊在亳州東南七十九里今新設渦陽縣境

三十年秋楚成大心仲歸帥師滅六

春秋文公五年左傳六國今六安州北十三里

頃王四年楚令尹大孫伯卒成嘉為令尹羣舒叛楚夏子孔執

舒子平及宗子遂圍巢

春秋文公十二年左傳舒庸舒鳩之屬廬江南有舒城舒城西

羣舒杜預曰

南有龍舒案晉廬江郡在今霍邱縣西五十五里晉龍舒縣今舒城縣治是姚培謙云今舒城廬江二縣之境皆羣舒地也巢

杜預曰吳楚間小國廬江六縣東有居巢城案晉居巢今巢縣東北五里

定王六年夏楚人為眾舒叛故伐舒蓼滅之楚子疆之及滑汭

春秋宣公八年左傳杜預曰舒蓼二國名孔穎達曰當云一國名案通雅舒蓼今六安又案姚培謙曰舒蓼今廬江縣西故

舒城是也滑汭當在廬州府東境

簡王二年巫臣通吳於晉教吳戰陳吳始伐楚伐巢伐徐入州

來

春秋成公七年左傳集餘並見前州來杜預曰楚邑淮南下蔡縣案晉下蔡縣在今壽州北四十里雍正十一年分壽

州置鳳臺縣通鑑輯覽注鳳臺縣北下蔡故城春秋州來邑謹案今鳳臺縣徙治下蔡

十二年舒庸人道吳圍巢伐駕圍釐虺楚公子橐師襲舒庸滅

之春秋成公十七年左傳杜預曰舒庸東夷國巢駕釐虺楚四邑姚培謙曰四邑俱在廬州府境江南通志案巢即居

鄭駕釐皆在無爲州境虺在江蘇沛縣南

靈王二年春楚子重伐吳爲簡之師克鳩茲至於衡山子重歸

既飲至三日吳人伐楚取駕春秋襄公三年左傳杜預曰鳩茲吳邑在丹陽蕪湖縣東衡山在

吳興烏程縣南案今太平府蕪湖縣東四十里有鳩茲港是也烏程在今浙江湖州距鳩茲遠姚培謙謂衡山是今太平府當

塗縣東北六十里之橫山江南通志衡山一名橫山在當塗縣

十二年吳侵楚養由基奔命子庚以師繼之爲三覆誘之戰於

庸浦大敗吳師春秋襄公十三年左傳江南通志引地名考云庸浦今無爲州江浦欽定左傳讀本

同注

二十三年夏楚子爲舟師以伐吳不爲軍政無功而還吳人爲  
楚舟師之役故召舒鳩人舒鳩人叛楚楚子師於荒浦使沈尹  
壽與師祁黎讓之舒鳩子請受盟楚師還春秋襄公二十四年左傳  
舒鳩地

二十四年舒鳩人卒叛楚令尹子木伐之及離城子彊息桓子  
捷子駢子孟帥左師以退吳人居其閒七日子彊曰久將墊隘  
不如速戰請以其私卒誘之簡師陳以待我我克則進奔則亦  
視之從之五人以其私卒先擊吳師吳師奔登山以望見楚師  
不繼復逐之傳諸其軍簡師會之吳師大敗遂圍舒鳩八月楚  
滅舒鳩春秋襄公二十五年左傳  
舒鳩城姚培謙云今廬州府舒城縣境

十二月吳子諸樊伐楚以報舟師之役門於巢巢牛臣隱於短  
牆以射之卒同上

二十五年楚子秦人侵吳及雩婁聞吳有備而還

春秋襄公二十六年左傳

杜預曰雩婁今屬安豐郡

江南通志雩婁今霍邱縣西南

姚培謙左傳注同案李兆洛云晉安豐郡今河南固始雩婁今河南商

城東北

城東北

景王七年六月丙午楚子合諸侯於申徐子吳出也以爲貳焉

故執諸申秋七月楚子蔡侯陳侯許男頓子胡子沈子淮夷伐

吳

春秋昭公四年左傳

杜預曰胡國汝陰縣西北有胡

城續漢志汝陰本胡國案晉汝陰縣今阜陽縣治

冬楚箴尹宜咎城鍾離遠啟疆城巢然丹城州來

同上江南通志鍾離今

鳳陽府東北

巢州來見前

八年冬十月楚子以諸侯及東夷伐吳越大夫常壽過帥師會

楚子於瑣聞吳師出遠啟疆帥師從之吳人敗諸鵠岸楚子以

駟至於羅汭次於萊山入南懷及汝清吳不可入楚子遂觀兵

於坻箕之山而還使沈尹射待命於巢遠啟疆待命於雩婁

春秋

昭公五年左傳杜預曰璚楚地鵲岸廬江舒縣有鵲尾渚  
案璚在今霍邱縣東鵲岸今繁昌縣西南大江中有鵲州自銅  
陵縣之鵲頭山沿江而下至三山為鵲尾故江曰鵲江岸曰鵲  
岸通鑑輯覽注同鵲箕之山今巢縣南三十七里加鵲山與  
地志謂即鵲箕山春秋襄  
纂注南懷汝清在今江淮間

九年秋楚薳洩伐徐吳人救之令尹子蕩伐吳師於豫章而次

於乾谿吳人敗其師於房鍾春秋昭公六年左傳杜預曰乾

吳地江南通志城父舊城在亳州南三十里房  
鍾在蒙城案姚培謙云豫章當在江北淮水南

十九年春齊侯伐徐二月丙申齊師至於蒲隧徐人行成盟於

蒲隧春秋昭公十六年左傳杜預曰蒲隧徐地  
東有蒲如陂案晉取慮在今江蘇睢甯縣西南睢甯與

安徽按境蒲隧在故  
虹縣北今泗州治北

二十年冬吳伐楚戰於長岸大敗吳師獲其乘舟餘春秋昭

年左傳江南通志引地名考今太平府西南五十里東梁山  
與和州南七十里之西梁山夾江相對亦曰天門山建寧府記云

楚獲吳餘皇處案  
通鑑輯覽注同

二十二年楚使太子建居城父守邊

史記楚世家案此城父

正義云左傳水經注十三州志太子建所居城父是亳州城父縣即漢志沛郡城父縣也杜預所云襄城城父縣者誤襄城縣有父城故城即漢志潁州郡父城縣非楚人城州來春秋昭公太子建所守者也城父父城二名自別

敬王元年秋吳人伐州來楚遣越帥師及諸侯之師救州來吳

人禦諸鍾離戊辰晦戰於雞父吳師獲胡沈之君及陳大夫舍

胡沈之囚使奔許與蔡頓師諫而從之三國奔楚師大奔春秋昭公

二十三年左傳杜預曰雞父楚地安豐縣南有雞備亭謹案通鑑輯覽注江南通志並云在今壽州西南六十里

楚太子建之母在居巢開吳使公子光伐楚遂敗陳蔡取太

子建母而去史記楚世家楚平王十年案左傳在魯昭公二十三年冬十月居巢作鄭敗陳蔡別見上

二年冬楚子爲舟師以略吳疆及圍陽而還吳踵楚而邊人不

備遂滅巢及鍾離春秋昭公二十四年左傳史記楚世家云吳之邊邑卑梁與楚邊邑小童爭桑兩家交

怒相攻滅卑梁人卑梁大夫怒發邑兵攻鍾離楚王怒發國兵滅卑梁吳王大怒亦發兵使公子光因楚建母家攻楚遂滅鍾離居巢又吳世家云楚邊邑卑梁氏之處女與吳邊邑之女爭桑二女家怒相滅兩國邊邑長怒而相攻滅吳之邊邑吳王怒故遂伐楚拔居巢鍾離案史記此事左傳無之卑梁或云楚邊或云吳邊爭桑或云處女或云小童並歧出

三年楚子使薳射城州屈復茄人焉使熊相謀郭巢春秋昭公二十三年

左傳 江南通志引地名考州屈在鳳陽縣西茄其近淮小邑也

五年吳子使公子掩餘公子燭庸帥師圍潛楚莠尹然工尹麋

帥師救潛左司馬沈尹戌帥都君子與王馬之屬以濟師與吳

師遇於窮令尹子常以舟師及沙汭而還左尹卻宛工尹壽帥

師至於潛吳師不能退吳公子光弑王僚掩餘奔徐燭庸奔鍾

吾楚師還春秋昭公二十七年左傳 杜預曰潛楚邑在廬江六縣西南 江南通志潛即今潛山在霍山縣南

案姚培謙云霍山縣東北三十里有潛城又云水經注窮水出安豐縣窮谷即楚與吳師遇處在今鳳陽府霍邱縣西又云水

經注汴沙到淩儀而分汴東注沙南流至義城縣西南入於淮謂之沙汭楚東地也義城在今懷遠縣東北

八年吳子使徐人執掩餘使鍾吾人執燭庸二公子奔楚楚子  
逆吳公子使居養取於城父及胡田以益之將以害吳也吳子  
怒冬十二月吳子執鍾吾子遂伐徐防山以水之己卯滅徐徐  
子章禹奔楚楚沈尹戌帥師救徐弗及遂城夷使徐子處之

昭公三十年左傳 杜預曰夷城父也案城父今渦陽說見前

九年吳人侵楚楚伐夷侵潛六楚沈尹戌帥師救潛吳師還楚師

遷潛於南岡

春秋昭公三十一年左傳 江南通志南岡即漢潛縣地 案吳侵潛六耳史記楚世家吳世家並

云吳取六與潛言取恐非

十二年夏桐叛楚吳子使舒鳩氏誘楚人曰以師臨我我伐桐  
爲我使之無忌秋楚囊瓦伐吳師於豫章吳人見舟於豫章而  
潛師於巢冬十月吳軍楚師於豫章敗之遂圍巢克之

左傳 杜預曰桐小國廬江舒縣西南有桐鄉 江南通志桐今桐城也案姚鼐云桐城縣北有古桐城即桐國

春秋定公二年

二十五年二月辛丑楚子滅胡吳之入楚也胡子盡俘楚邑之

近胡者楚既定胡子豹又不事楚楚滅胡以胡子豹歸春秋定公十五年

年左傳胡國見前

三十一年春吳伐陳楚子救陳師於城父春秋哀公六年左傳

四十年夏楚子西子期伐吳及桐汭春秋左傳哀公十五年杜預曰宣城廣德縣西南

有桐水出白石山西北入丹陽湖案晉廣德縣在今廣德州東

四十一年吳人伐慎楚白公敗之春秋左傳哀公十六年杜預曰汝陰慎縣也江南通

志案今潁上縣西北有慎城以土新增以下舊志增注并重修

元王四年冬十一月越滅吳春秋左傳哀公二十二年句踐已平吳以兵北

渡淮與齊晉諸侯會於徐州徐从人音舒一作徐致貢於周元王使人賜

命句踐為伯句踐已去渡淮南以淮上地與楚歸吳所侵宋地

於宋與魯泗東方百里當是時越兵橫行於江淮東諸侯畢賀

號稱霸王

史記越世家 裴駰曰楚世家越滅吳而不能正江

年越滅吳四十二年楚滅蔡四十四年楚滅杞與秦平是時越

已滅吳而不能正江淮北楚東侵廣地至泗上今案楚世家楚惠王十六

至泗上在楚惠四十四年即周貞定王二十四年別是一事句

踐以淮上地與楚在楚惠十六年周元王四年又是一事不相

涉裴駰誤引以解此文而綱目前編遂改此為以江

定王

史記周本紀六國表並二十四年楚與秦平楚東侵廣地

至泗上

史記楚世家

赧王四十九年

魏安釐王十一年

秦拔魏鄆邱

史記魏世家 漢書地理志汝南郡新鄆縣應

劭曰秦伐魏取鄆邱漢興為新鄆案漢新鄆馮智舒引明統志

在潁州治入里李兆洛云在今潁州府太和縣北七十里是也

又史記集解引徐贲曰一作廩邱又作邢邱今案廩邱

見六國表邢邱見秦本紀皆非安徽地今據魏世家修

秦始皇帝六年楚考烈王與諸侯伐秦不利楚東徙壽春命曰

郢

史記楚世家 是年秦尚稱王至二十六年稱皇帝

二十二年李信攻平與大敗楚軍又攻鄢郢破之引兵西與蒙

恬會城父楚人因隨之三日不頓舍大破李信軍入兩壁殺七

都尉信奔還

史記王翦傳案此鄆鄆胡三省曰非楚故都此鄆乃陳也城父說見前

二十三年秦王翦取陳以南至平輿史記秦本紀楚悉國中兵以

禦之翦堅壁不戰楚數挑戰而秦不出乃引而東翦追擊大破

之至靳南殺其將軍項燕

史記王翦傳秦始皇本紀項燕自殺在二十四年案靳南在今衛州南

二十四年秦滅楚虜王芎置楚郡

史記楚世家案楚世家及王翦傳並在秦始皇二十四

年通鑑及綱目並同惟秦始皇本紀在二十三年舊志按楚郡今壽州

二世元年秋七月戊午陳勝等反

史記秦本紀時發閭左戍漁陽者

九百人屯大澤鄉

徐廣曰在靳縣案今衛州境

陽城人陳勝陽夏人吳廣為

屯長會天大雨道不通度已失期法皆斬勝廣因天下之愁怨

乃殺將尉令徒屬曰公等皆失期當斬假令毋斬而戍死者固

什六七且壯士不死則已死則舉大名耳王侯將相甯有種乎

眾皆從之乃詐稱公子扶蘇項燕為壇而盟稱大楚攻大澤鄉

拔之攻蕲今宿州南四十里斬下乃令符離人今宿州地葛嬰將兵徇蕲以

東攻鉅野苦柘譙皆下之徐廣曰苦柘屬陳餘皆在沛案鉅

治也漢沛郡節縣唐宋屬亳行收兵比至陳卒數萬人入據之

遂自立為楚王號為張楚郡縣苦秦吏皆殺其守尉令丞以應

之史記陳涉世家綱目舊志云陽城在宿州南今案史記

昭謂陽城屬潁川地理志屬汝南不同也索隱之言如此今考

漢志潁川郡之陽城縣在今河南登封縣汝南郡之陽城侯國

在今河南汝陽縣本非一地舊志謂在

陳王初立時淩人秦嘉淩舊刻作陵誤今據漢志泗水國鉅人

董緹符離人朱雞石取慮人鄭布徐人丁疾等皆特起將兵圍

東海

史記陳涉世家鉅符離並安徽地見前

二年冬十一月二世益遣長史司馬欣董翳佐章邯擊楚柱國

房君殺之又進擊張賀賀死臘月楚王至下城父

今蒙城縣西北下城父聚

其御莊賈殺之以降勝故涓人呂臣爲蒼頭軍起攻陳殺賈復

以陳爲楚廣陵人召平聞陳王敗乃渡江矯王令拜項梁爲上

柱國曰江東已定急引兵西擊秦梁乃以八千人渡江而西聞

陳嬰已下東陽

今天長縣西北

遣使與連和俱西嬰以兵屬梁及渡淮

英布蒲將軍亦以兵屬焉軍下邳梁曰陳王首事戰不利未聞

所在今秦嘉立景駒大逆無道乃進擊殺嘉駒走死至薛沛公

往見之梁予兵還拔豐居鄆人

今巢縣

范增年七十好奇計往說

梁曰陳勝敗固當夫秦滅六國楚最無罪自懷王入秦不反楚

人憐之至今故楚南公曰楚雖三戶亡秦必楚今勝首事不立

楚後而自立其勢不長今君起江東楚蠡起之將皆爭附君者

以君世世楚將爲能復立楚之後也梁然其言乃求得懷王孫  
心於民間爲人牧羊立以爲楚懷王從民望也都盱眙以陳嬰  
爲上柱國梁自號武信君

史記通鑑綱目

漢高帝元年春項羽立黥布爲九江王都六

史記項羽本紀又高祖本紀綱目

漢二年夏四月漢王帥五諸侯兵五十六萬人伐楚入彭城收  
其貨寶美人日置酒高會項羽聞之自以精兵三萬與漢大戰  
彭城靈壁東睢水上大破漢軍漢軍入穀泗及睢水死者二十  
餘萬人水爲不流圍漢王三市會大風晝晦王乃得與數十騎  
遁去欲過沛收家室道逢子盈及女載以行而太公呂后爲楚

軍所獲

史記項羽本紀高祖本紀綱目

四年秋七月立黥布爲淮南王

史記漢書高帝紀同綱目

五年冬十月帝追項羽至固陵韓信彭越皆引兵來十一月劉

賈圍壽春誘楚大司馬周殷殷畔楚以舒屠六

以舒之眾屠破六縣

舉九

江兵迎黥布並行屠城父皆會垓下

史記在高祖四年今據漢書高帝紀

十二月

羽至垓下兵少食盡信等以大軍乘之羽敗入壁漢及諸侯兵

圍之數重羽夜聞漢軍四面皆楚歌乃大驚曰漢皆已得楚乎

是何楚人之多也起飲帳中悲歌忼慨泣數行下於是羽乃乘

其駿馬從八百餘騎直夜潰圍南出馳走渡淮至陰陵迷失道

問一田父給曰左左乃陷大澤中漢騎將灌嬰追及之至東城

乃有二十八騎漢追者數千人羽引騎依四潰山爲陳謂其騎

曰吾起兵八歲七十餘戰未嘗敗北遂霸天下今卒因此此天

亡我非戰之罪也今日固決死願爲諸君決戰必潰圍斬將乃

分其騎爲四隊四鄉漢軍圍之數重羽令四面騎馳下期山東

爲三處於是大呼馳下斬漢一將與其騎會爲三處漢軍不知

羽所在乃分軍爲三復圍之羽復馳斬漢一都尉殺數十百人復聚其騎亡其兩騎耳謂其騎曰何如皆曰如大王言羽欲東渡烏江亭長檣船待曰江東雖小地方千里眾數十萬亦足王也今獨臣有船願大王急渡羽笑曰天之亡我我何渡爲且籍與江東子弟八千人渡江而西今無一人還縱江東父兄憐而王我我何面目見之縱彼不言我獨不愧於心乎乃自刎而死

楚地悉定

史記漢書

編目

舊志

案壽春

案邑卽今壽州

今定遠縣東南五十里

今和州北陰陵縣故城在定遠縣西北六十五里

今和州城北故烏江縣四里

今定遠縣東南五十里

今和州北陰陵縣故城在定遠縣西北六十五里

今和州城北八十里

今和州城北八十里

今和州城北八十里

今和州城北八十里

六年冬十月令天下縣邑城

其各自築

春正月以故東陽郡鄣郡

吳郡五十三縣立劉賈爲荆王

漢書高帝紀

文穎曰鄣郡今

轉以爲縣故曰故鄣劉放曰按地理志東

陽郭吳皆非秦郡此文不可廢

新増

十一年秋七月淮南王黥布因淮陰侯死已心恐及彭越誅醢其肉以賜諸侯布見醢大恐陰令人部聚兵候伺旁郡警急中大夫賁赫得罪於布乘傳詣長安上變言布謀反有端上繫赫使人驗之布遂族赫家發兵反時上有疾欲使太子擊布留侯所召四人者說呂釋之曰太子將兵有功則位不益無功則從此受禍矣君何不急請呂后乘閒爲上泣言黥布猛將善用兵諸將皆陛下故等夷乃令太子將此屬無異使羊將狼且使布聞之則鼓行而西爾后如其言於是上自將而東留侯並自強起見上曰臣宜從病甚楚人剽疾願無與爭鋒因說上令太子爲將軍監關中兵上曰子房雖病彊臥而傳之布之初反謂其將曰上老厭兵必不能來諸將獨患淮陰彭越今皆已死餘不足畏也東擊荊荊王賈走死擊楚楚與徐僮閒爲三軍欲以相

救爲奇或曰布善用兵民素畏之且兵法諸侯自戰其地爲散地今別爲三彼敗吾一軍餘皆走安能相救不聽果敗布遂引

兵西

史記縣布傳五十里僮故城在舊虹縣東北

綱目

舊志案徐故城在今泗州北

十二年十月高帝破布軍於蘄西

綱目

史記作會甄在縣縣西今宿州地也漢書縣布傳

作會甄同高帝紀作會甄誤

新增

景帝三年吳王濞恐削地無已說膠西膠東菑川濟南趙楚七國同反天子乃遣太尉條侯周亞夫將三十六將軍往擊吳楚亞夫使弓高侯等將輕騎兵出淮泗口絕吳楚兵後食道吳兵飢引而去太尉追擊大破之

史記漢書吳王濞傳

新增

武帝元狩元年冬十月淮南王安與賓客左吳等日夜謀反召中郎伍被與謀被曰今諸侯無異心百姓無怨氣可僞爲詔徙郡國豪傑於朔方又僞爲詔獄盡逮諸侯太子幸臣使民怨諸

侯懼使辨士隨而說之可傲幸什得一也安使人僞得罪而西  
事大將軍兵發卽刺殺大將軍會安太子謀殺漢使事覺廷尉  
逮捕安欲發兵猶豫未決被自詣吏告與安謀如此上使宗正

以符節治安未至安自刎

綱目 本用 記漢書列傳

宣帝元康四年西羌反發沛郡材官詣金城

漢書宣帝紀 案 沛郡今宿州西北

其屬縣如相龍亢向鈺下蔡譙 縣山桑城父皆安徵地 新增

新莽天鳳四年秋臨淮瓜田儀等兵起莽遣使者赦之還言盜

解復合問其故皆曰愁法禁煩苛不得舉手力作所得不足以

給貢稅閉門自守又坐鄰伍鑄錢挾銅姦吏因以愁民民窮悉

起爲盜賊莽大怒免之

綱目 漢書王莽傳 舊志案臨淮今盱眙縣

地皇二年儲夏自請願說瓜田儀莽以爲中郎使出儀儀文降

未出而死莽求其尸葬之幾以招來其餘

漢書王莽傳 新增

漢淮陽王更始元年冬十月莽廬江連率李憲據郡稱淮南王

後漢書李憲傳

綱目

二年冬梁王劉永據國起兵攻下沛楚等二十八城

綱目楚舊志作沛

淮南今據後漢書劉永傳改修傳云廣陰山陽沛楚淮陽汝南不云淮南然惟沛郡在今宿州耳

光武帝建武二年秋劉永奔譙三年蓋延圍永睢陽永將慶吾

斬永降蘇茂周建奔垂惠立永子紆為梁王

據後漢書光武紀及劉永傳補修

垂惠見下

四年秋七月帝幸譙遣捕虜將軍馬武偏將軍王霸圍劉紆於

垂惠

後漢書光武紀章懷注垂惠聚在亳州山桑縣西北一名覆城

蘇茂將五校兵救之而

先遮擊馬武紆周建亦出兵夾擊武恃王霸援戰不甚力為茂

建所敗奔過霸營求救霸閉營堅壁示不相援賊乘勝輕進武

戰良久霸乃開營後出精騎襲其背茂建敗走

後漢書王霸傳俱新增

八月帝幸壽春遣揚武將軍馬成率三將軍伐李憲九月圍憲

於舒憲數挑戰成堅壁不出守之歲餘舊志引通鑑綱目今據後漢書本紀及馬成傳

李憲傳修案舒今廬江縣西

五年二月馬武王霸拔垂惠後漢書光武紀新増

六年春正月將軍馬成等拔舒李憲亡走其軍士帛意斬之以

降餘黨猶數千人屯潯山攻殺安風令廬江人陳眾單車白馬

往說而降之據後漢書本紀及李憲馬成各傳修

八年夏四月張步奔臨淮謀亡入海琅邪太守陳俊追擊斬之

後漢書光武紀及張步傳新増

十六年郡國大姓及兵長羣盜處處並起攻劫在所殺害長吏

郡縣追討到則解散去復屯結冬十月遣使者下郡國聽羣盜

自相糾擿五人共斬一人者除其罪吏雖逗留迴避故縱者皆

勿問聽以禽討爲效其牧守令長坐界內盜賊而不收捕者又以畏慙捐城委守者皆不以爲負但取獲盜多少爲殿最唯蔽匿者乃罪之於是更相追捕賊並解散徙其魁帥於它郡賦田受稟使安生業自是牛羊放牧邑門不閉

後漢書光武紀增修

十七年秋七月妖巫李廣等羣起據皖城

後漢書光武紀

初卷人維汜

詆言稱神有弟子數百人坐伏誅其弟子李廣等宣言汜神化不死以誑惑百姓遂共聚會徒黨攻沒皖城殺皖侯劉閎自稱南岳太師遣謁者張宗將兵數千討之爲廣所敗於是發諸郡兵合萬餘人

後漢書馬援傳

遣虎賁中郎將馬援票騎將軍段志討之

九月破皖城斬李廣等

後漢書光武紀新書

明帝永平十三年十一月楚王英謀反廢國除遷於涇縣

後漢書

帝紀

章懷注涇縣漢屬丹陽郡唐宣州縣故城在縣東有涇水出蕪湖因水立名

案今甯國府涇縣是

增修

順帝永和三年夏四月九江賊蔡伯流寇郡界閏月率眾詣徐

州刺史應志降後漢書順帝紀案後漢九江郡在定遠縣西北六十五里新增

建康元年八月後漢書順帝紀九江賊范容周生等相聚反屯據歷陽

為江淮巨患遣御史中丞馮緄將兵督揚州刺史尹耀九江太

守鄧顯討之馮緄傳案歷陽在今和州治馮緄紀作馮救誤九月軍敗耀顯為

賊所殺十一月沖帝紀陰陵人懷遠縣西北徐鳳馬勉等復寇郡

縣殺略吏民鳳稱無上將軍勉稱皇帝築營於當塗山中縣撫

案此當塗在今懷遠縣東南章懷注在宣州十二月沖帝紀遣別

賊黃虎攻沒合肥縣撫傳增修

沖帝永嘉元年正月九江賊徐鳳等攻殺曲陽東城長三月九

江都尉滕撫討之後漢書質帝紀章懷注曲陽淮曲之陽在濠州定遠縣西北東城在定遠東南案唐

濠州定遠今風陽府定遠縣治撫與馮緄合州郡兵共斬馬勉范容周生等干

五百餘級徐鳳遂將餘眾燒東城縣下邳人謝安設伏擊鳳斬

之拜撫中郎將督揚徐二州事

滕撫傳 質帝紀 斬徐鳳在五月

四月丹陽

賊陸宮等圍城燒亭寺丹陽太守江漢擊破之秋七月廬江

賊攻盱台

即盱眙

滕撫遣司馬王章擊破之冬十一月歷陽賊華

孟白稱黑帝攻殺九江太守楊岑滕撫率諸將擊孟等

質帝紀破

之斬孟等三千八百級獲七百餘人於是東南悉平

滕撫傳 增修

靈帝建甯二年九月丹陽山越賊圍太守陳黃蚬擊破之

後漢書

帝紀 通鑑綱目

熹平元年十一月會稽人許生自稱越王寇郡縣揚州刺史臧

閔代丹陽太守陳黃討破之三年十一月斬許生

後漢書靈帝紀 新增

光和三年夏四月江夏蠻叛

後漢書靈帝紀

廬江賊黃穰等與江夏蠻

連結十餘萬人攻沒四縣廬江太守陸康擊破穰等餘黨悉降

後漢書陸康  
傳 新增

中平元年春二月鉅鹿人張角自稱黃天其部眾三十六萬皆

著黃巾同日反叛三月以何進爲大將軍將兵屯都亭遣皇甫

嵩朱儁討黃巾

後漢書  
靈帝紀

進遣都尉母邱毅詣丹陽募兵劉備與

俱行至下邳遇賊力戰有功

三國志  
先主傳

儁表前盱眙丞孫堅爲佐

軍司馬募淮泗精兵千許與儁奮擊所向無前

三國志  
孫堅傳

新增

揚州黃巾賊攻舒焚燒城郭廬江太守羊續發縣中男子二十

以上皆持兵勒陳小弱者負水灌火會集數萬人力戰大破之

郡界平後安風

縣屬廬江郡今霍邱  
縣西南百三十里

賊戴風等作亂續擊斬三

千餘級生獲渠帥其餘黨原爲平民使就農業

後漢書  
羊續傳

新增

獻帝初平元年春正月山東州郡起兵以討董卓

後漢書  
獻帝紀推袁

紹爲盟主卓兵彊紹等莫敢先進行奮武將軍曹操引兵西到

汴水戰不利乃詣揚州募兵刺史陳溫丹陽太守周昕與兵四

千餘人還到龍亢今懷遠縣西北士卒多叛至銍今宿州西南建平今河南永城縣

南復收兵得千餘人進屯河內三國志魏武紀新増

初平二年袁術遣孫堅擊董卓未返袁紹遣周昂襲奪陽城堅

至引兵擊昂走之綱目舊志陽城之誤說見前案是時堅先治兵魯陽城由陽人轉戰至雒回軍魯陽後

漢書袁術傳三國志孫堅傳注皆云紹遣將襲奪豫州則是今河南地也周昂後漢書袁術傳作周昕三國志注引吳錄及會稽典錄作周囑昕之弟也囑次兄昂為袁術所攻並見三國志

四年春正月袁術為劉表所逼進兵北向至封邱曹操擊破之

走歸還所置揚州刺史陳瑀據壽春領揚州事綱目案後漢書獻帝紀及袁

術傳並作揚州刺史陳溫三國志袁術傳同裴松之引英雄記溫先病死不為術殺瑀為揚州刺史拒術攻之而走下邳

興平元年孫策到壽春見袁術遂詣丹陽依舅吳景得數百人

而為涇縣大帥祖郎所襲幾殆復往見術術以堅部曲還策太

傅馬曰碑在壽春辟策表拜懷義校尉時術屯兵壽春部曲飢

餒從廬江太守陸康求米三萬斛不與術大怒遣策攻康廬江

拔之術用其故吏劉勳爲廬江太守三國志孫策傳並注後漢書陸康傳增修

二年揚州刺史劉繇遣將屯橫江當利以拒袁術十二月孫堅

舊將丹陽朱治見袁術政德不修勸策歸取江東策說術曰家

有舊恩在江東願助舅策舅吳景討橫江橫江拔因投本土召募可

得三萬以佐明使君定天下術許之表策折衝校尉將兵千餘

人行收兵北至歷陽眾五六千進攻橫江拔之渡江轉鬬所向

皆破綱目曹志案橫江在今和州東南二十五里當利今和州案橫江三國志作江津孫堅傳云劉繇遣樊能于陳

陳橫屯江津張英屯當利口以拒術又劉繇傳云遣樊能張英屯江邊

建安元年夏六月袁術攻劉備以爭徐州備使司馬張飛守下

邳自將拒術於盱眙淮陰相持經月更有勝負術與呂布書勸

令襲下邳許助以軍糧布引軍東下飛敗走布虜備妻子及將吏家口備收餘兵東取廣陵與術戰又敗飢餓困蹙請降於布布亦忿術軍糧不繼乃召備復爲豫州刺史與併勢擊術

志案下邳今泗州境今案李兆洛云東漢徐州下邳國下邳縣在今江蘇邳州東三里

綱目舊

二年秋九月曹操東征袁術術走渡淮時天旱歲荒民餒術由是遂衰

綱目

三年秋九月呂布復與袁術通遣高順張遼攻劉備備單身走曹操自擊布與備遇於梁進至彭城十月操屠彭城廣陵太守陳登率部兵爲操先驅進至下邳布屢戰皆敗還保城不敢出操圍下邳久疲敝欲還用荀攸郭嘉言引沂泗灌城月餘布益困迫十二月布將魏續等共執陳宮高順率其眾降布遂降操縊殺之以劉備爲左將軍孫策爲討逆將軍封吳侯策自將討

祖郎於陵陽禽之謂曰爾昔襲孤斫孤馬鞏今創軍立事除棄

宿憾汝勿恐怖卽破械署門下賊曹

綱目舊志案陵陽今石埭縣

四年夏袁術北走奔其部曲陳簡復爲簡所拒士卒散走不知

所爲乃遣使歸帝號於袁紹袁譚迎術欲從下邳北過曹操遣

劉備邀之復走壽春六月至江亭憤慨歔血死術從弟允率其

部曲奉術柩及妻子奔廬江太守劉勳於皖城

綱目

冬十一月廬江太守劉勳以袁術部曲眾多不能贍遣從弟偕

求米於上繚諸宗帥不能滿數偕召勳使襲之孫策惡勳兵強

僞卑辭以事勳請出兵以爲外援劉子揚曰上繚雖小城堅池

深攻難守易不可旬日而舉也兵疲於外而國內虛策乘虛襲

我後則不能獨守是將軍進屈於敵退無所歸若軍必出禍今

至矣勳不聽遂伐上繚至海昏宗帥皆逃了無所得時策引兵

西擊黃祖行及石城聞勳在海昏策乃與周瑜襲皖城克之得

術勳妻子撫視之及其部曲三萬餘人攻勳破之勳北歸許策

收其餘兵二千餘人及船千艘進擊黃祖綱目三國志劉子揚傳又孫策傳注

案劉子揚之名依范蔚宗稱字例

廬江界有山賊陳策眾數萬人臨險而守曹操遣將克之三國志劉

子揚傳新增

五年秋劉備略汝潁之閒操使曹仁擊破走之盡收諸叛縣備

還說袁紹南連劉表紹遣備復至汝南操遣將擊之為備所殺

綱目

陳蘭梅成叛于禁等討成成偽降旋就陳蘭入潛山壁天柱山

上張遼攻之斬蘭成三國志張遼于禁傳新增

六年孫權破太守李術於皖城以孫河領廬江太守吳國志孫權傳注又

孫韶傳注

新增

十三年冬十二月孫權圍合肥使張昭攻九江之當塗昭兵不

利操遣張憲

一作喜

救合肥未至權退

三國志孫權傳又魏武紀

增修

是歲丹陽欽賊帥金奇屯安勤山毛甘屯烏聊山駁帥陳僕祖

山等二萬戶屯林歷山四面壁立權使其將賀齊討平之分欽

為始新新定黎陽休陽并夥欽凡六縣為新都郡齊為太守立

府於始新

舊志本

綱目今據

三國志

孫權及

賀齊傳修

傳案

烏

聊山在歙縣黎陽

休陽今休甯縣

休陽今休甯縣

休陽今休甯縣

廬江營帥雷緒率部曲數萬口歸劉備

十四年春三月孫權圍合肥久不下操遣兵救合肥久而不至

綱目

揚州別駕蔣濟詐言救至遣使齎書語城中權軍獲之遂引兵

還秋七月曹操軍合肥開芍陂屯田冬十二月操留張遼樂進

還秋七月曹操軍合肥開芍陂屯田冬十二月操留張遼樂進

李典屯合肥而自率兵還譙

綱目舊志案芍陵在今壽州南德今亳州

十六年徐宣從操到壽春會西征乃以宣為左護軍留統諸軍

三國志徐宣傳新増

十七年秋七月孫權作濡須塢呂蒙聞曹操兵欲東說權夾濡

須水口立鵲諸將皆曰上岸擊賊洗足入船何用鵲為蒙曰兵

有利鈍戰無百勝如有邂逅敵步騎蹙人不服及水其得入船

乎從之綱目舊志案濡須水名在今巢縣治南鵲在今無為州東北五十里

十八年春正月曹操擊孫權進軍濡須口號四十萬權率眾七

萬禦之相守月餘權為牋與操說春水方生公宜速去操引兵

還徙淮南民十餘萬戶既而皆東渡江江西遂虛合肥以南惟

有皖城綱目

十九年夏五月權征皖城閏月曹操遣廬江太守朱光屯皖城

大開稻田呂蒙言於孫權曰皖田肥美若一收熟彼眾必增宜早除之權乃親攻皖城諸將欲作土山添攻具蒙曰治攻具及土山必歷日乃成城備既修外救亦至不可圖也且吾乘雨水以入若畱經日水必向盡還道艱難蒙竊危之今觀此城不能甚固以三軍銳氣四面並攻不移時可拔及水以歸全勝之道也從之蒙薦甘甯爲升城督甯持練緣城蒙以精銳繼之手執枹鼓士卒皆騰踊侵晨進攻食時破之獲朱光及男女數萬口

拜蒙爲廬江太守還尋陽

通鑑綱目

二十年秋八月孫權率眾十萬圍合肥大敗而還初曹操之征張魯也爲教與合肥護軍薛梯署函邊曰賊至乃發及是梯發函教曰若孫權至者張李將軍出戰樂將軍守護軍勿得與戰諸將以眾寡不敵疑之張遼曰遠征在外比救至破彼破我必

矣是以教指及其未合逆擊之折其盛勢以安眾心然後可守也樂進等莫對遼怒將獨出李典素與遼不睦慨然曰此國家大事願君計何如耳吾豈可以私憾而忘公義乎請從君而出於是夜募敢從之士明旦陷陣衝壘入至麾下權大驚走撤軍還至逍遙津北遼將步騎掩至甘甯呂蒙力戰扞敵凌統率親近扶權出國乘駿馬上津橋橋南已撤丈餘無版親近谷利使權持鞍緩控於後著鞭遂得超渡賀齊率三千人在津南迎權入船

綱目舊志案逍遙津橋在廬州府城東北七十里

二十一年鄱陽民尤突受曹操印綬化民爲賊陵陽始安涇縣皆與突相應賀齊陸遜討破突斬首數千丹陽三縣皆降料得精兵八千人拜齊安東將軍出鎮江上督扶州以上至皖

三國志賀

齊傳  
新增

二十二年春正月魏王操擊孫權軍居巢二月進軍江西郝溪

權在濡須口築城拒守遂逼攻之三月權降畱將軍周泰督濡

須王引軍還畱夏侯惇曹仁張遼屯居巢

綱目三國志魏武紀

冬十月孫權遣陸遜討丹陽山寇平之時陸遜言於權曰克敵

止亂非眾不濟而山寇未平難以圖遠可大閱部伍取其精銳

權從之命遜部伍東三郡

謂會稽吳郡丹陽

強者爲兵羸者補戶得精

卒數萬人宿惡盪除所過肅清還屯蕪湖

綱目

二十四年曹操駐軍摩陂召夏侯惇拜前將軍督諸軍還壽春

三國志夏侯惇傳誤作破呂布於摩陂今據武帝紀及通鑑修

後主建興元年

魏黃初四年吳黃武二年

春魏曹仁以步騎數萬向濡須吳

朱桓兵纔五千人諸將皆懼桓曰勝負在將不在眾寡兵法稱

客倍而主人半者謂俱在平原而士卒勇怯等耳今仁非智勇

士卒甚怯千里步涉人馬疲困桓與諸君共據高城臨江背山以逸待勞以主制客此百戰百勝之勢雖曹丕自來尙不足憂況仁等耶乃偃旗鼓示弱以誘之仁遣其子泰攻濡須城分遣常雕王雙等襲中洲中洲者桓部曲妻子所在也桓遣別將擊雕等而身自拒泰泰燒營退桓遂斬雕虜雙

綱目 質賁云中洲一在長沙之瀏

陽縣一在郴州之東廢太平寺前今案此二處距濡須遠非也

二年秋八月魏主丕以舟師擊吳循蔡頰浮淮如壽春至廣陵時江水盛長會暴風至丕舟幾覆於是旋師

綱目

三年夏五月魏主丕復以舟師伐吳八月自譙循渦入淮蔣濟言水道難通丕不從十月於廣陵故城臨江觀兵戎卒十餘萬旌旗數百里有渡江之志吳人嚴兵固守時天寒冰舟不得入江丕見波濤洶湧嘆曰嗟乎固天所以限南北也遂歸戰船數

千不得行蔣濟開地爲四五道蹴船令聚豫作土豚遏斷湖水

引後船一時開退入淮中乃得還綱目舊志案潯水自黃

東北與潯水合流至蚌半

五年魏太和元年吳將審惠屯皖魏曹丕擊破之三國志曹休

六年夏五月吳使鄱陽太守周魴詐以郡降於魏魏揚州牧曹

休率步騎十萬向皖以應之魏主叡又使賈逵向東關俱進八

月吳主權至皖以陸遜爲大都督假黃鉞親執鞭以見之以朱

桓全琮爲左右督各督三萬人以擊休桓曰由夾石挂車此兩

道險阨若以萬兵柴路則彼眾可盡而休可虜臣請將所部以

斷之若得休則可乘勝長驅進取壽春以窺許洛此萬世一時

也權以問陸遜遜以爲不可乃止戰於石亭遜令桓琮爲左右

翼三道俱進衝休伏兵因驅走之追至夾石斬獲萬餘資仗略

盡

綱目

三國志陸遜傳

舊志案東關在今巢縣東南四十

里夾石夾本作硤在今桐城縣北四十里挂車山在桐城縣

西石亭在今

潛山縣東北

八年

魏太和四年

吳黃龍二年

冬十二月魏征東將軍滿寵聞吳欲攻合肥

表請召兵吳尋退還寵以爲賊大舉而還非其本意此必欲僞

退以罷吾兵而倒還乘虛掩不備也遂表不罷兵後十餘日吳

果來攻不克而還

綱目

九年冬十月吳主權遣中郎將孫布詐降於魏以誘揚州刺史

王淩伏兵阜陵以候之淩騰布書請兵迎之征東將軍滿寵以

爲必詐不與兵而爲淩作報書曰知欲避禍就順甚相嘉尙今

欲遣兵相迎然少則不足相衛多則事必遠聞且先密計以成

本志臨時節度其宜會寵被書入朝又敕畱府勿與兵淩索兵

不得乃單遣一督將步騎七百人往迎之布夜掩擊死傷過半

不得乃單遣一督將步騎七百人往迎之布夜掩擊死傷過半

不得乃單遣一督將步騎七百人往迎之布夜掩擊死傷過半

不得乃單遣一督將步騎七百人往迎之布夜掩擊死傷過半

綱目 案阜陵漢廢縣故城在今全椒縣東一十五里

十年秋九月吳陸遜引兵向廬江魏人以為宜速救之滿寵曰廬江雖小將勁兵精守足經時況賊舍船二百里來後尾空絕不來倘欲誘致今宜聽其遂進但恐走不可及耳乃整軍趨揚宜口吳人聞之夜遯寵以合肥城南臨江湖北遠壽春賊往甚易救之甚難然其西三十里有奇險可依宜更立城徙見兵以固守引賊平地而掎其歸路於計為便魏主叡報聽之

十一年

魏青龍元年吳嘉禾二年

夏六月吳主權出兵欲圖新城以其遠水

積二十餘日不敢下船魏滿寵謂諸將曰孫權得吾新城必於眾中有自大之言今來雖不敢至必當上岸耀兵以示有餘乃潛遣步騎六千伏肥水隱處權果上岸伏軍卒起擊之斬首數

百或有赴水死者

綱目

舊志云新城在今無為州治南一十五里吳諸葛恪所築以居新附之眾今案此

新城即滿龍於合肥城西三十里更立之城與諸葛恪無涉冬  
三國志所云權向合肥新城是也舊志用質實引明統志

十月權遣衛將軍全琮襲六安不克

三國志孫權傳

十二年夏五月吳主權入居巢湖口向合肥新城眾號十萬魏  
滿龍率兵救新城又欲拔新城守致賊壽春魏主叡不聽曰先  
帝東置合肥南守襄陽西固祁山賊來輒破於三城之下者地  
有所必爭也縱權攻新城必不能拔敕諸將堅守吾將自往攻  
之比至度權已走矣乃使秦朗督步騎二萬助司馬懿拒漢敕  
懿但堅守以挫其鋒彼進不得志退無與戰久停則糧盡虜略  
無所獲則必走走而追之全勝之道也乃御龍舟而東龍募壯  
士焚吳攻具吳吏士多病又聞叡至遂退

綱目舊志吳巢湖在今巢縣西一十五

里周圍四  
百餘里

十五年

魏景初元年吳嘉禾六年

冬十月吳拜丹陽太守諸葛恪爲威北將

軍先是恪至丹陽移書屬城長吏令各保疆界明立部伍從化  
平民悉令屯居乃內諸將羅兵幽阻但繕籬籬不與交鋒俟其  
穀稼將熟輒縱兵芟刈使無遺種平民屯居略無所犯於是山  
民飢窮稍稍自守恪撫慰之敕下不得拘執曰陽長胡伉得暫  
惡民困迫暫出者縛送府恪以抗違教斬以徇民閒聞之老幼  
相攜而出歲期人數皆如本規恪自領萬人餘分給諸將權嘉  
其功拜爲威北將軍封都鄉侯徙屯廬江皖口綱目 舊志案  
曰陽縣屬丹陽  
郎皖口在今安慶府治  
西一十里一名山口鎮  
後主延熙四年魏正始二年  
吳赤烏四年夏四月吳全琮略淮南魏將軍王  
凌與琮戰敗之於芍陂綱目  
六年春正月吳諸葛恪襲六安破魏將謝順營收其人民而去

三國志

孫權傳

十五年

魏嘉平四年吳建興元年

冬十月吳諸葛恪修東興隄初吳大帝築

東興隄以遏巢湖後攻魏淮南敗以內船遂廢不治至是恪更

作大隄左右結山夾築兩城各畱千人使全端畱略守之十二

月魏將胡遵諸葛誕攻東興恪將兵四萬救之遵等作浮橋以

渡陳於隄上分兵攻兩城城高峻不可拔恪使將軍丁奉與呂

據爲前部從山西上泰乃辟諸軍使下道自率麾下三千人逕

進舉帆二日至東關遂據徐塘時天雪寒遵方置酒高會奉見

其前部兵少使兵皆解鎧去矛戟但兜鍪刀楯保身緣堦魏人

望見大笑不卽嚴兵吳兵得上便鼓譟斫破其前屯據等亦至

魏軍驚擾散走爭渡橋壞相蹈藉溺死者數萬吳獲車乘牛馬

驢騾各以千數資器山積振旅而歸

綱目舊志案東興在今無爲州東北五十里東關

口西接巢湖一名濡須陂

十六年夏四月諸葛恪入淮南或曰宜圍新城俟救至而圖之  
可大獲也恪從其計魏揚州牙門將張特守新城吳人攻之連  
月城中兵合三千人疾戰病死者過半而恪起土山急攻城將  
陷特謂吳人曰今我無心復戰矣然魏法被攻過百日而救不  
至者雖降家不坐自受敵以來已九十餘日矣城雖陷尙有不  
欲降者我當還爲相語條別善惡明早送名且以我印綬去爲  
信吳人聽之特乃夜撤諸屋材柵補其闕爲二重明日謂曰我  
但有鬪死耳吳人大怒進攻之不能拔會大暑吳軍病者大半  
死傷塗地七月恪引去

綱目

十八年

魏正始二年  
吳五鳳二年

春正月魏揚州都督母邱儉刺史文欽起

兵討司馬師初欽以驍果見愛於曹爽而儉素與夏侯元李豐  
善至是皆不自安儉乃以計厚待欽儉子甸謂儉曰大人居方

嶽重任國家傾覆而晏然自守將受四海之責矣於是儉矯太  
后詔起兵壽春移檄州郡以討司馬師儉將五六萬眾渡淮至  
項堅守使欽在外爲游兵師問計於河南尹王肅肅勸之行時  
師新割目癰創甚或謂不宜自行肅又與尙書傅嘏中書侍郎  
鍾會勸師自行師未決嘏曰淮楚兵勁其鋒未易當若諸將戰  
有利鈍則事敗矣師蹶然起曰我請與疾而東以荊州刺史王  
基爲前軍基言軍宜速據南頓南頓有大邸閣計足四十日糧  
保堅城因積穀先人有奪人之心此平賊之要也遂輒進據之  
儉等亦往爭聞基先到乃還吳孫峻率兵襲壽春師命諸軍堅  
壁以待東軍之集諸將請進攻項師曰淮南將士本無反志儉  
欽欺誘與之舉事小與持久詐情自露將不戰而克矣乃遣諸  
葛誕自安風向壽春胡遵出譙宋絕其歸路儉欽進不得關退

恐壽春見襲計窮不知所爲將士家皆在北降者相屬兗州刺史鄧艾將萬餘人趨樂嘉城儉使欽襲之師自汝陽潛兵就艾欽猝遇之未知所爲其子騫年十八勇力絕人謂之曰及其未定擊之可破也於是分爲二隊夜夾攻之騫率壯士先至鼓譟軍中震擾師驚駭病目突出恐眾知之囁被皆破欽失期不應會明騫見兵盛乃還欽引而東儉聞欽退恐懼夜走壽春亦潰孫峻進至橐皋欽以孤軍無繼不能自立遂詣峻降儉走慎縣人就殺之傳首京師

綱目 舊志按橐皋在今巢縣東北二十里慎縣故城在今潁上縣西北

二十年

魏甘露二年 吳太平二年

夏四月魏揚州都督諸葛誕殺揚州刺史

樂綝歛屯田兵十餘萬及新附四五萬人聚穀足一年食爲閉門自守計遣長史吳綱將小子覲至稱臣請救司馬昭奉魏主髦討之吳使將軍全懌全端唐咨等與文欽同救誕六月昭督

諸軍二十六萬進屯邱頭使將軍王基陳騫圍壽春圍未合惲等將眾因山乘險突入城昭飭基斂軍堅壁基累求進討會吳朱異率三萬人屯安豐爲欽外勢基遂守便宜上疏報聽於是四面合圍塹壘甚峻擊欽異皆破走之秋吳孫綝大發卒出屯鏹里復遣異等解壽春之圍魏人又擊破之異走歸綝使異更死戰異以士卒乏食不從綝怒斬異而還綝旣不能拔出誕吳人咸怨昭乃縱反閒詭言吳救方至誕益寬恣食俄而乏糧外救不至又不聽謀主蔣班焦彝言欲殺之班彝踰城出降全惲兄子輝等得罪於吳奔魏司馬昭作輝書告惲言吳主怒惲等不能拔壽春欲盡誅諸將家惲等遂率其眾出降

綱目

景耀元年

魏甘露三年  
吳永安元年

春二月魏司馬昭圍壽春文欽教諸葛

誕突圍而出不克復還城中食盡降者日眾欽欲盡出北方人

省食與吳人堅守誕不聽由是爭恨遂殺欽欽子鶯歸於魏昭

拔壽春殺諸葛誕吳將于詮免胄官陳而死

綱目

晉武帝泰始四年吳寶鼎三年冬十一月吳將丁奉諸葛觀出芍陂

攻合肥晉將軍汝陰王駿義陽王望擊走之

晉書本紀新

六年吳建衡二年吳將丁奉入渦口揚州刺史牽宏擊走之

晉書本紀新

增

七年吳建衡三年二月孫皓帥眾趨壽陽遣大司馬望屯淮北以距

之

晉書本紀新

咸甯四年吳天紀二年冬吳人大佃皖城謀寇晉邊晉都督揚州諸

軍事王渾鎮壽春遣揚州刺史應綽督淮南諸軍攻破之斬首

五千級焚其積穀百八十餘萬斛踐稻苗四千餘頃毀船六百

餘艘

晉書本紀及王渾傳綱目

太康元年

吳天紀四年

春伐吳諸軍並進正月王渾出橫江所向皆

克二月王濬唐彬擊破丹陽監盛紀

此丹陽今歸州

克西陵荆門夷道

杜預進拔江陵於是沅湘以南接於交廣州郡皆望風送印綬

詔密與吳奮王戎共平夏口武昌直造秣陵杜預分兵益濬遂

指授羣帥方略徑造建業吳丞相張悌沈瑩諸葛靚率眾至牛

渚三月渡江與晉揚州刺史周浚大戰於板橋靚遜去悌敗為

晉兵所殺並斬瑩吳人大震濬自武昌順流而下舟過三山渾

信要與論事濬舉帆直指建業曰風利不得泊也是日濬戎卒

八萬方舟百里鼓譟入於石頭吳主皓面縛輿櫬詣軍門降

舊志案牛渚山在太平府城北二十五里下有磯曰牛渚去

米石磯僅一里一名然犀浦又云三山磯在今繁昌縣東北四十里下流蕪湖縣二十五里

惠帝太安二年五月義陽蠻張昌叛據江夏建元神鳳昌黨石

冰寇揚州敗刺史陳徽諸郡盡沒臨淮人封雲舉兵應之自阜陵寇徐州秋七月劉宏遣陶侃等攻昌於竟陵大破之昌逃於下雋山其眾悉降惟石冰尙據臨淮不下十二月議郎周玘等起兵江東以討石冰推前吳興太守顧祕都督揚州九郡傳檄州郡殺冰所署將吏於是前御史賀循廬江內史華譚及丹陽葛洪甘卓皆起兵以應祕冰遣其將拒玘玘擊斬之冰自臨淮退趨壽春征東將軍劉準不知所爲廣陵度支陳敏統眾在壽春謂準曰此等以不樂遠戍逼迫成賊烏合之眾其勢易離請爲公破之準乃益敏兵

以上十二月事舊志系於永安元年正月錄今據晉書及綱目改正

永興

元年二月敏與玘合擊斬冰

綱目

案是年凡四改元正月爲永安七月爲建武十一月復爲永安

十二月爲永興此二月稱永興者依史文

永興二年秋八月東海王越瑀瑯琊王睿以東平將軍監徐州

軍事守下邳越承制以豫州刺史劉喬爲冀州使范陽王虓領豫州喬以虓非天子命發兵拒之虓以劉琨爲司馬越以劉蕃爲淮北護軍劉輿爲潁川太守喬上書列輿兄弟罪惡因引兵攻虓於許造其子祐拒越於靈璧十二月虓遣劉琨擊劉祐於譙殺之喬眾潰而走

綱目

十二月陳敏據江東初敏旣克石冰自謂勇略無敵遂據歷陽以叛

綱目

懷帝永嘉元年春三月陳敏刑政無章子弟凶暴顧榮周玘等憂之廬江內史華譚遺榮等書曰陳敏盜據吳會命危朝露今皇輿東返俊彥盈朝將舉六師以清建業諸賢何顏復見中州士邪榮等素有圖敏之心及見書甚慚密遣使報征東將軍劉準使發兵臨江已爲內應剪髮爲信準遣揚州刺史劉機等討

敏敏使其弟昶將兵屯烏江宏屯牛渚周玘顧榮甘卓以兵攻

敏敏眾潰北走追獲於江乘

綱目 晉書陳敏傳

六年石勒築壘於葛陂將攻建鄴瑯琊王睿集眾於壽春以紀

瞻都督諸軍討勒會大雨勒發葛陂遣石虎率騎二千向壽春

為瞻所敗

綱目 晉書石勒傳

元帝太興二年四月祖逖討陳川石勒遣石虎桃豹救之逖兵

敗退屯淮南勒兵守蓬關豹守陳川故城

綱目 質實云蓬關陳川故城未詳

永昌元年春正月王敦舉兵反上疏稱劉隗佞邪讒賊進攻致

討至蕪湖又上表罪狀刁協又遣參軍桓胤說譙王承請為己

軍司承嘆曰吾其死矣地荒民寡勢孤援絕將何以濟然得死

忠義夫復何求囚桓胤斬敦姊夫湘東太守鄭澹又遣主簿鄧

騫說甘卓移檄討之

綱目

秋七月後趙拔泰山殺徐龕兗州刺史郗鑒在鄒山三年有眾

數萬戰爭不息百姓饑饉至是為後趙所逼退屯合肥

綱目

冬十月祖逖既卒後趙屢寇河南拔襄城及城父圍譙祖約不

能禦退屯壽春

綱目

明帝太甯元年春三月後趙寇彭城下邳徐州刺史卞敦退保

盱眙

綱目

夏四月王敦移鎮姑孰屯于湖自領揚州牧

綱目

舊志案于湖晉縣今當塗縣

南三十八里姑孰今太平府

補案晉書地理志無姑孰水經河水篇又東過牛渚縣南注牛渚在姑孰烏江兩縣界中

成帝咸和元年十一月後趙石聰攻壽春侵遼遼祖約屢表請

救朝廷不為出兵聰遂進寇阜陵歷陽內史蘇峻遣其將韓晃

擊聰走之十二月下邳叛降後趙

綱目

賈實云阜陵在全椒縣東十五里

案壽春晉書

本紀作壽陽猶春秋之為陽秋也

二年冬庾亮以蘇峻在歷陽終爲禍亂欲下詔徵之峻聞之遣司馬詣亮辭亮不許徵爲大司農以弟逸代領部曲峻上表辭復不許峻遂不應命溫嶠卽欲帥眾下衛建康三吳復欲起義兵亮報嶠書曰吾愛西陲過於歷陽足下無過雷池一步也亮復遣使諭峻峻曰臺下云我欲反豈得活耶我甯山頭望廷尉不能廷尉望山頭峻知祖約亦怨朝廷乃請其討亮約大喜譙國內史韓宣曰使君欲爲雄霸助國討峻則威名自舉今乃與俱反得久乎約不從十二月峻使其將軍韓晃等襲陷姑孰取鹽米詔假亮節都督征討諸軍使左將軍司馬流將兵據慈湖以拒之宣城內史桓彝起兵赴難遂進屯蕪湖韓晃擊破之因攻宣城彝退保廣德

綱目 舊志案慈湖在今太平府治北六十三里

三年春正月蘇峻將韓晃襲司馬流於慈湖流素懦怯將戰食

炙不知口處兵敗而死峻濟自橫江登牛渚三月峻南屯于湖  
夏五月溫嶠以陶侃入討峻峻聞之自姑孰還遷帝於石頭分  
兵陷宣城初桓彝聞京城不守進屯涇縣裨惠勸彝與峻通使  
以紓交至之禍彝曰吾受國恩義在致死焉能忍恥與逆臣通  
問如其不濟此則命也彝遣將軍俞縱守蘭石韓晃攻之將敗  
左右勸退軍縱曰吾受桓侯恩厚當以死報吾之不可負桓侯  
猶桓侯之不負國也遂力戰而死晃遂進軍至是宣城陷

綱目舊

志案蘭石地名在今旌德縣北五十里

祖約作亂譙國內史桓宣背約南投尋陽屯馬頭山約自壽春  
遣祖渙等襲淝口攻皖因攻宣毛寶馳救擊卻之

晉書桓宣毛寶傳新増

秋七月後趙石聰引兵濟淮攻壽春祖約諸將陰與通謀許爲  
內應約眾潰奔歷陽

綱目

九月路永賈甯勸峻盡誅諸大臣更樹腹心峻雅敬司徒導不

許永等更貳於峻導使袁耽誘永與皆奔白石亮嶠率步兵萬

人從白石南上峻將八千人逆戰乘醉突陳不得入將回馬躡

侃部將斬之餘眾大潰

綱目 舊志案白石山名在今含山縣南八十里

四年春正月冠軍將軍趙允攻拔歷陽祖約奔後趙

綱目

咸康元年夏四月趙石季龍寇歷陽司徒王導禦之遣將軍劉

仕救歷陽趙裔屯慈湖路永成牛渚王允之戍蕪湖賊退向襄

陽

晉書本紀 十餘至歷陽

新增 案綱目云趙王虎南游臨江而還游騎太守袁耽表上之不言多少帝觀兵廣莫門命

諸將救歷陽 戊慈湖牛渚

康帝建元元年秋七月詔議經略中原庾翼欲悉眾北伐表遣

涼州刺史桓宣督諸軍趣丹水伐趙桓溫爲前鋒小督率眾入

臨淮

綱目

穆帝永和元年秋八月豫州刺史路永叛奔趙石季龍使永屯

壽春

晉書本紀  
新增

五年秋七月桓溫聞趙亂遣諸將經營北方趙揚州刺史王浹  
舉壽春降西中郎將陳逵進據壽春征北大將軍褚裒上表請  
伐趙即日戒嚴直指泗口奏言前已遣前鋒王頤之等徑造彭  
城後遣督護糜嶷進據下邳今宜速發以成聲勢乃加裒征討  
大都督率眾三萬徑赴彭城北方士民降附者日以千計魯郡  
民五百餘家起兵附晉求援於裒裒遣部將王龕將銳卒迎之  
與趙將李農戰於代陂敗沒不還裒退屯廣陵陳逵亦焚壽春  
積聚毀城遯還

綱目

六年夏五月廬江太守袁真攻魏合肥克之

魏冉閔也  
綱目

八年春正月殷浩上疏請北出許洛以謝尙荀羨爲督統進屯

壽春初魏豫州牧張遇以州來降至是尙等不撫慰之遇怒據

許昌叛降於秦浩軍不能進命蒺鎮下邳

綱目

三月姚弋仲卒子襄率眾來歸詔屯譙城襄單騎渡淮見謝尙

於壽春尙聞其名命去仗衛幅巾待之歡若平生

綱目

六月謝尙遣姚襄共攻張遇秦主健遣丞相東海王雄等救之

戰於潁水之誠橋尙等大敗奔還淮南殷浩自許昌退屯壽春

綱目

九月殷浩進屯泗口冬十月謝尙復攻許昌克之

綱目

九年秋七月姚襄屯歷陽以燕秦方強未有北伐之志乃夾淮  
廣興屯田訓厲將士殷浩在壽春惡其強盛囚襄諸弟屢遣刺  
客刺之客皆以情告襄浩潛遣將軍魏憬帥眾五千襲之襄斬  
憬并其眾浩愈惡之遷襄蠡臺表授梁國內史襄益疑懼初浩

陰遣人誘秦梁安雷弱兒使殺秦主健許以關右之任弱兒等  
偽許之且請兵應接浩聞張遇作亂以爲安等事成遂自壽春  
帥眾七萬北伐以襄爲前驅襄度浩將至偽遜而陰伏甲以邀  
之浩追至山桑襄縱兵擊之浩大敗棄輜重走保譙城襄俘斬  
萬餘悉收其資仗使兄益守山桑而復如淮南綱目舊志案  
在今蒙城縣  
北三十七里十一月浩將劉啟王彬之攻姚襄復爲襄所敗襄  
遂進據芍陂晉書本紀

十二月姚襄濟淮屯盱眙招掠流民眾至七萬分置守宰勸課

農桑遣使詣建康罪狀殷浩并自陳謝綱目加謝尙都督豫揚江

西諸軍事領豫州刺史鎮歷陽晉書本紀

十一年冬十月以豫州刺史謝尙督并冀幽三州諸軍事鎮壽

春通鑑胡身之注云時江左僞立青冀并幽四州於江北又云  
南渡初祖遜以豫州刺史治譙城永昌元年祖約退屯壽春

咸和四年庾亮以豫州刺史治蕪湖咸康四年毛寶以豫州刺史治邾六年庾翼以豫州刺史治蕪湖今進壽春皆建康西藩也進取則屯壽春守江則多在歷陽蕪湖二處綱目冬

十月詔謝尚鎮壽春晉書本紀謝尚鎮馬頭 新増 升平三年冬十月詔謝萬軍下蔡邾曇軍高平以擊燕萬帥眾

入渦潁曇以病退彭城萬即引還眾遂潰

通鑑新増

哀帝隆和元年冬十二月袁真自汝南退鎮壽陽

晉書本紀通鑑綱目

舊志案壽陽東晉郡今壽州

興甯二年春燕將慕容評侵汝南太守朱斌遜於壽陽

晉書本紀夏

四月燕將李洪敗晉兵於懸瓠朱斌奔淮南

淮南據晉書本紀文綱目作壽春

大司馬桓溫遣袁真等禦之溫帥舟師屯合肥燕人遂拔許昌

汝南陳郡

綱目

海西公太和四年夏四月大司馬桓溫帥步騎五萬發姑孰將

自兖州伐燕七月至枋頭燕主慕容暉使吳王垂率眾五萬以

拒溫又遣樂嵩請救於秦秦主苻堅遣苻池鄧羌帥步騎二萬以救燕初溫使袁真攻譙梁開石門以通水運不克九月燕范陽王德帥騎屯石門李邽帥兵斷溫糧道德使慕容宙帥騎一千爲前鋒與晉兵遇宙曰晉人輕剽怯於陷敵勇於乘退宜設餌以釣之乃使二百騎挑戰分餘騎爲三伏挑戰者兵未交而走晉兵追之宙帥伏擊之晉兵死者甚眾溫戰數不利糧儲復竭又聞秦兵將至焚舟棄輜重鎧仗自陸道奔還德先帥勅騎伏於東澗中與垂夾擊溫大破之斬首三萬級秦苻池邀擊溫於譙又破之溫深恥喪敗乃歸罪袁真真不服表溫罪狀朝廷不報遂據壽春叛降燕

綱目 壽春晉書紀作壽陽下同說見前

五年二月袁真死子瑾代領其眾燕秦皆遣兵助之夏四月大司馬溫遣兵擊破之秋八月大司馬溫敗袁瑾於壽春遂圍之

綱目

簡文帝咸安元年春正月袁瑾求救於秦秦遣將軍王鑒張蚝

帥步騎二萬救之溫遣桓伊等擊鑒蚝於石橋

在肥水北質南云石橋在全椒

東北一在含山南未知孰是

大破之遂拔壽春擒瑾送建康斬之

綱目

孝武帝甯康元年秋以桓沖爲中軍將軍都督揚豫江三州諸

軍事揚州刺史鎮姑孰

晉書本紀新增

太元三年秋七月秦彭超請攻彭城且曰願更遣重將攻淮南

爲基劫之勢東西并進丹陽不足平也秦主堅從之使俱難率

步騎七萬寇淮陽盱眙詔右將軍毛虎生帥眾至姑孰以禦之

綱目 舊志案淮陽晉廢郡故城在今泗州故徐城東一百五十里

四年春二月謝元帥眾萬餘救彭城軍於泗口秦彭超釋彭城

圍引兵還甯城保輜重沛郡太守戴遂率眾奔元超遂據彭城

南攻盱眙俱難克淮陰五月俱難彭超拔盱眙執內史毛璩之  
遂圍山樂於三阿謝元自廣陵救三阿難超戰敗退保盱眙六  
月元進攻連敗之難超北走僅以身免

綱目三阿今江蘇高郵州地

八年秋八月秦主堅大舉入寇九月詔以謝石爲征討大都督  
冠軍將軍謝元爲前鋒都督與將軍謝安桓伊等督眾入萬拒  
之使龍驤將軍胡彬以水軍五千援壽陽冬十月秦平陽公苻  
融等攻壽陽克之胡彬退保硤石融進攻之十一月元遣廣陵  
相劉牢之帥精兵五千趣洛澗秦梁成阻澗爲陳以待之牢之  
直前渡水擊成大破斬之分兵斷其歸津秦步騎奔潰赴淮死  
者萬五千人於是石等水陸繼進堅與融登壽陽城望之見晉  
兵部陳嚴整又望見八公山上草木皆以爲晉兵顧謂融曰此  
亦勍敵何謂弱也憊然始有懼色秦兵偪肥水而陳元使謂融

曰君懸軍深入而置陳偪水此乃持久之計非欲速戰者也若  
移陳小卻使我兵得渡以決勝負不亦善乎秦諸將皆曰我眾  
彼寡不如過之使得上可以萬全堅曰但使半渡我以鐵騎  
蹙而殺之蔑不勝矣融亦以爲然遂麾兵使卻秦兵遂退不可  
復止元等引兵渡水擊之融騎略陳欲以帥退者馬倒爲晉兵  
所殺秦兵遂潰元等乘勝追擊至於青岡秦兵大敗自相蹈藉  
其走者聞風聲鶴唳皆以爲晉兵且至重以飢凍死者十七八  
獲堅所乘雲母車及儀服器械不可勝計復取壽陽堅中流矢  
單騎走還長安

綱目 舊志案硖石山在今壽州西北二十五里山兩岸相對淮水經其中入公山在今壽州西北二十五里淝水之北淮水之南青岡城名在壽州西二十五里

十一年八月翟遼寇譙龍驤將軍朱序擊走之

晉書本紀 新增

十八年閏月妖賊司馬徽聚黨於馬頭山劉牢之遣部將討平

之晉書本紀  
新增

安帝隆安二年秋七月王恭殷仲堪及桓元舉兵反庾楷楊佺

期附之九月加會稽王道子黃鉞以庶子元顯爲征討都督遣

王珣將兵討王恭譙王尚之將兵討庾楷尚之大破楷於牛渚

楷奔桓元元大破官軍於白石進至橫江尚之退走目

元興元年春正月桓元舉兵反至姑孰遣將攻歷陽斷洞浦在

州西南二月劉牢之叛降於元元入京師以示範之爲丹陽尹夏

四月元辭錄尚書事出屯姑孰目

三年桓歆寇歷陽劉敬宣諸葛長民破歆於芍陂綱目 宋書  
向靖傳靖與

劉蕃等破華歆於  
白茅攻青陽克之

夏四月何無忌等及桓元兵戰於桑落洲大破之得太廟神主

送建康綱目 舊志 桑落洲在  
今宿松縣南一百九十里

義熙五年春二月南燕主超遣公孫五樓兄歸將兵寇宿豫拔

之又遣歸等寇淮南俘男女千餘人詔劉道憐鎮淮陰以備之

綱目

舊志案宿豫晉縣今泗州案舊志誤也實云秦下相

漢公

宿豫省下相置宿豫及郡後魏屬南徐州東魏屬東楚州

後周

屬泗州唐改宿遷是也晉志徐州臨淮郡有下相無宿豫

惟蔡

書地形志東楚州下云司馬德宗置宿豫郡德宗者晉安

帝名

是質實之言不誤唐志宿遷本宿豫縣泗州謂後周屬泗

州也

豫宋書志唐志注作預實一地今江蘇宿遷縣非今泗州

六年夏五月豫州都督劉毅率舟師二萬發姑孰與廬循戰於

桑落洲毅兵大敗冬十二月劉裕軍雷池廬循揚聲不攻雷池

當乘流徑下裕知其欲戰進軍大雷循及徐道覆帥眾數萬塞

江而下裕悉出輕騎及水軍擊之又分步騎屯於西岸先備火

具裕以勅弩射循軍因風水之勢以蹙之循艦悉泊西岸岸上

軍投火循道覆兵大敗將趣豫章乃悉力柵斷左里裕至攻之

麾兵將進麾折幡沈眾皆懼裕笑曰往年覆舟之戰如是今乃

復見必破賊矣卽破柵而進殺溺死者萬餘人

綱目 舊志案雷池源出宿松

縣界經望江縣入江大雷晉戊名在望江縣境

十二年秋八月太尉劉裕督諸軍發建康遣將軍王鎮惡檀道濟將步軍自淮淝向許洛朱超石胡藩趨陽城裕至彭城王鎮

惡檀道濟入秦境所向皆捷

綱目

恭帝元熙元年秋八月宋公劉裕始受進爵之命移鎮壽陽

綱目

二年夏六月宋王裕還建康留子義康鎮壽春

綱目

重修安徽通志卷一百

武備志

兵事二

北魏太武帝神麌三年

宋文帝元嘉七年

秋七月以司馬楚之爲安南

大將軍封瑯邪王屯潁州宋到彥之自淮入泗泗水滲日行纔

十里七月始至須昌取河南

綱目舊志南北朝年號因事而書如此文但書魏神麌三年今仍

其例而事涉南北者增注之

太平眞君十一年

宋元嘉二十七年

春二月魏主將伐宋宋主聞之敕

淮泗諸郡若魏寇小至則各堅守大至則拔民歸壽陽魏主自

將步騎十萬奄至南頓潁州太守皆棄城走時南平王鑠鎮壽

陽遣參軍陳悉守懸瓠城中戰士不滿千人魏主圍之惟慮救

兵自壽陽來不備彭城宋參軍劉泰之等潛進擊之殺三千餘

人燒其輜重魏人奔散泰之等兵無後繼魏復引兵擊之士卒  
驚亂走死免者九百餘人馬還者四百匹魏主攻懸瓠四十二  
日宋主遣南平內史臧質司馬劉康祖共救懸瓠魏主遣任城  
公乞地真逆拒之質等斬乞地真夏四月魏主引兵還綱目  
冬十一月魏永昌王仁攻懸瓠頃城拔之宋主恐魏兵至壽陽  
召劉康祖使還仁將八萬騎追及康祖於尉武魏人四面攻之  
將士皆殊死戰自旦至晡殺魏兵萬餘人康祖被十創意氣彌  
厲有流矢貫康祖頸墜馬死餘眾遂潰南平王鑠使參軍王羅  
漢以三百人戍尉武魏兵至眾欲依卑林以自固羅漢以受命  
在此不去魏人攻而擒之鎖其頸使三郎將掌之羅漢夜斷三  
郎將首抱鎖亡奔盱眙仁進徧壽陽南平王鑠嬰城固守綱目  
十二月魏主引兵南下使永昌王仁出橫江所過無不殘滅城

邑皆聞風奔潰魏兵至淮上宋主使將軍臧質將萬人救彭城  
至盱眙魏主已過淮質使胡崇之等營東山前浦而自營於城  
南魏燕王譚攻之皆敗沒質軍亦潰棄輜重器械單將七百人  
赴城初盱眙太守沈璞到官以郡當衝要繕城復隍積財穀儲  
石矢爲城守之備又收集精兵二千及臧質向城眾謂璞勿受  
璞歎曰虜必不能登城敢爲諸君保之乃開門納質質見城中  
豐實大喜因與璞共守魏人之南寇也不齎糧用惟以抄掠爲  
資及過淮民多竄匿抄掠無所得人馬飢乏聞盱眙有積粟欲  
以爲北歸之資攻城不拔卽留數千人守盱眙自帥大眾南向  
由是盱眙得益完守備

綱目 舊志按東山在今盱眙縣境

太平眞君十二年

宋元嘉二十八年

春正月魏人攻盱眙以鉤車鉤城

樓城內繫以絙絙數百人唱呼引之車不能退旣夜絙桶懸卒

出截其鉤獲之明日又以衝車攻城城土堅密每至積落不過數升魏人乃肉薄登城更番相代墜而復升莫有退者殺傷萬計尸與城平凡攻之三旬不拔會魏軍中多疾疫二月朔魏主燒攻具退走盱眙人欲追之沈璞曰今兵不多雖可固守不可出戰但整舟楫示若欲北渡者以速其走計不須實行也

綱目

宋孝武帝孝建元年春二月江州刺史臧質以南郡王義宣反約豫州刺史魯爽兖州刺史徐遺寶卽日舉兵宋主命柳元景王元謨統諸將討之進據梁山洲於兩岸築偃月壘水陸待之三月義宣率眾十萬發江津舳艫數百里冀州刺史垣護之妻徐遺寶之姊也遺寶邀護之同反護之不從發兵擊之遺寶奔壽陽義宣至尋陽以質爲前鋒爽亦引兵趣歷陽與質水陸俱下將軍沈靈賜將百舸破質前軍質至梁山夾陳兩岸與官軍

相拒四月以雍州刺史朱修之爲荊州刺史遣將軍薛安都等  
戍歷陽沈慶之濟江討爽爽引兵退慶之使安都帥輕騎追及  
斬之進克壽陽徐遺寶走死義宣至鵲頭慶之送爽首示之爽  
累世將家驍猛善戰號萬人敵義宣與質由是駭懼宋主使元  
景進屯姑孰五月至蕪湖質曰今以萬人取南州則梁山中絕  
萬人綴梁山則元謨必不敢動下官中流鼓棹直趣石頭此上  
策也義宣將從之劉謐之密言質求前驅此志難測不如盡銳  
攻梁山會西風急質遣將攻陷梁山西壘又遣兵趣南浦垣護  
之與戰破之王元謨使護之告急於柳元景欲退還姑孰元景  
畱羸弱自守悉遣精兵助元謨多張旗幟梁山望之如數萬人  
質請自攻東城義宣乃遣劉謐之與質俱進攻東城元謨督諸  
軍大戰薛安都率突騎衝陳陷之斬謐之質等大敗義宣兵潰

單舸迸走質逃於南湖追斬其首送建康

綱目舊志按梁山即天門山也在今和

州城南七十五里即太平府西南二山夾大江東曰博望西曰梁山又名東梁山西梁山鵠頭山名在今銅陵縣北一十里南

湖一名靈湖在今潛山縣南

大明七年冬十月宋主敕獵姑孰十一月宋主習水軍於梁山

綱目

大明中黟歙二縣有亡命數千人攻破縣邑豫章王子尚為揚

州在會稽遭水陸三千人討伐再往失利世祖遣殿中御史吳

喜將數十人至二縣羣賊即日歸降

宋書吳喜傳新增

明帝泰始二年春正月宋以沈攸之為尋陽太守將兵屯虎檻

時鄧琬詐稱受路太后璽書帥將佐上尊號於晉安王子助遂

稱帝二徐司豫青冀湘廣梁益州皆附之朝廷所保惟丹陽淮

南數郡而東兵又已至永世宮省危懼宋主遣兖州刺史殷孝

祖之甥葛僧韶說孝祖入朝所領皆僉楚壯士人情大安乃假  
孝祖節督前鋒向虎檻三月鄧琬遣孫沖之帥薛常寶等萬人  
爲前鋒據赭圻子助乃以陶亮統五州兵合二萬人俱下亮不  
敢進屯軍鵲州及攻赭圻孝祖中流矢死時建安王休仁遣江  
方興等赴赭圻攸之以爲孝祖旣死明日不攻則示之以弱方  
興名位相亞必不爲己下軍政不一致敗之由也乃推方興爲  
統帥諸軍進戰大破南軍詔以攸之督前鋒陶亮大懼召沖之  
還鵲尾鵲尾在今舒城縣治西北之鵲尾距繁昌遠疑非薛常寶守赭圻綱目舊志按虎檻州在今繁昌縣東五十里赭圻城在今繁昌縣西南

夏四月宋沈攸之帥諸軍圍赭圻薛常寶等糧盡告劉胡求救

胡以糲米繫流查桂或字及船腹而覆之佯爲舟覆於水之狀順

風流下以餉常寶攸之疑有異遣人取之取查與船也大得囊米胡

又陸運餉之攸之邀擊胡被創走常寶亦走還攸之遂拔赭圻  
胡等兵猶盛宋主遣褚淵至虎檻選用將士時以軍功除官者  
眾板不能供始用黃紙

綱目

五月殷炎使劉順督諸將據宛唐順等糧盡炎將杜叔寶載米  
餉之劉勔用呂安國計飭精兵千人配安國使從閒道抄之斬  
其前行五百人叔寶棄米走於是順眾俱潰勔鼓行向壽陽與  
諸軍分營城外諸山圍壽陽

綱目

秋八月鄧琬以子勔之命徵袁顗於襄陽以爲都督劉胡以南  
運未至就顗借米顗不許與臺軍相拒於濃湖久之將軍張興  
世以戰士七千輕舸二百泝流上而復下如是累日劉胡笑曰  
我尙不敢越彼下取揚州興世何物人欲輕據我上不爲之備  
一夕四更風便興世舉帆直前過鵲尾胡乃遣兵追之興世潛

遣其將黃道標帥七十舸徑趣錢溪立營寨明日引兵據之胡自將水步二十六軍來攻興世擊之胡敗走濃湖軍乏食鄧琬大送資糧遣百舸攻興世興世擊敗走之顓怒胡不戰胡乃遣兵步趣南陵載米三十萬斛錢布數十舫豎榜爲城規欲突過至貴口不敢進興世遣兵擊而虜之進偏胡營胡不能制遂遞

去

綱目 舊志按貴口卽貴山  
之口在今銅陵縣東六十里

鄧琬先遣新安太守陽伯子及軍主任獻子襲黟縣縣令吳茹公固守力不敵棄城走伯子等屯據縣城茹公與臺軍主邱敬文李靈賜蕭相壽等攻圍彌時八月乃克斬伯子獻子首

宋書  
孔顓

傳新  
增

冬宋劉劭圍壽陽戰無不捷以寬厚得眾心尋陽旣平宋主使中書爲詔諭殷炎炎疑劭之詐欲降於魏主簿夏侯祥止之炎

乃出降勔悉加撫慰不戮一人約勒將士秋毫無犯壽陽人大

悅綱目

北魏獻文帝皇興元年宋泰始三年春正月魏取宋淮北四州宋沈

攸之自送運米至下邳魏人遣閹詐之曰薛安都欲降求軍迎

接吳喜請赴之攸之不許旣而來者益多攸之謂曰諸人旣有

誠心若能與薛徐州子弟俱來者卽皆假以鄉縣惟意所欲如

其不爾無爲空往來也自是不復至攸之乃使軍主陳顯達將

千人助戍下邳而還綱目

秋八月宋遣中領軍沈攸之擊彭城魏尉元遣兵拒沈攸之攸

之至睢清口魏兵擊之眾潰還走淮陰尉元以書喻宋徐州刺

史王元載元載棄下邳走遂取下邳以辛紹先爲太守十二月

常珍奇叛魏歸宋珍奇雖降於魏實懷二心劉劭復以書招之

會魏西河公石攻汝陰珍奇乘虛燒劫懸瓠魏人攻之珍奇奔

壽陽

綱目

宋泰始五年春宋河東柳欣慰等謀反欲立太尉廬江王禕禕帝兄而帝輕之以孝武謂之驢王徙封廬江禕銜之遂與欣慰

通謀事覺詔降禕車騎將軍出鎮宣城

綱目

北魏孝文帝太和四年

齊高帝建元二年

春二月魏梁郡王嘉與劉景

攻壽陽將戰景四向拜將士流涕縱橫曰願同戮力以雪讐恥

魏步騎號二十萬齊豫州刺史垣崇祖欲治外城堰肥水以自

固文武皆曰昔佛狸入寇城中士卒數倍猶以郭大難守退保

內城且自有肥水未嘗堰也恐勞而無益崇祖曰若棄外城虜

必據之外修樓櫓內築長圍則坐成擒矣守郭築堰是吾不諫

之策也乃於城西北堰肥水堰北築小城周爲深塹使數千人

守之曰虜見城小以爲一舉可取必悉力攻之以謀破堰吾縱水衝之皆爲流尸矣魏人果攻小城崇祖著白紗帽肩輿上城決堰下水魏人馬溺死以千數魏師退走

綱目

太和五年

齊建元三年

春正月魏人侵齊淮陽齊遣將軍李安民周

盤龍等救之盤龍子奉叔以二百人陷陳深入魏以萬餘騎張左右翼圍之盤龍馳馬奮稍直突魏陳所向披靡奉叔已出復入求盤龍父子兩騎縈擾魏數萬之眾莫敢當者魏師敗退

綱目

淮陽在泗州東北

太和十九年

齊明帝建武二年

春二月魏主攻齊鍾離齊遣將軍王廣

之蕭坦之沈文季督諸軍以拒魏魏徐州刺史拓拔衍攻鍾離齊徐州刺史蕭惠休拒守閒出襲擊破之魏主至壽陽眾號三十萬循淮而東民皆安堵租運屬路遂至鍾離齊遣將軍崔慧

景救之魏解圍去

綱目 舊志按鍾離今鳳陽縣東北

太和二十二年

齊明帝永泰元年

春二月魏鎮南將軍王肅攻齊義陽

齊裴叔業圍渦陽以救之魏南兗州刺史孟表守渦陽糧盡食草木皮葉魏主使將軍傅永劉藻高聰等救渦陽叔業進擊大破之斬首萬級俘三千餘人獲器械雜畜財物以千萬計王肅請更遣軍救渦陽魏主曰少分兵則不足制敵多分兵則禁旅有闕卿審圖之義陽當止則止當下則下若失渦陽卿之過也肅乃解義陽之圍與統軍楊大眼奚康生等救渦陽叔業見魏兵益盛夜引兵退明日士眾奔潰魏人追之殺傷不可勝數

按渦陽後魏縣名今潁州府蒙城縣

齊主寶卷永元元年冬十二月齊太尉陳顯達舉兵襲建康齊主以崔慧景爲平南將軍督諸軍擊之將軍胡松據梁山左與

盛屯杜姥宅顯達發尋陽敗胡松於采石興盛帥諸軍拒之顯

達潛軍夜渡臺軍斬之

綱目

永元二年春正月齊豫州刺史裴叔業聞齊主數誅大臣心不自安遂遣使奉表降魏魏遣驃騎大將軍彭城王勰將軍王肅率步騎十萬赴之復以彭城王勰爲司徒領揚州刺史鎮壽陽叔業尋卒三月齊豫州刺史蕭懿遣司馬陳伯之等泝淮而上以逼壽陽魏彭城王勰王肅擊大破之進攻合肥擒齊將李叔獻

綱目

夏四月齊遣平西將軍崔慧景將水軍討壽陽慧景有異志至廣陵司馬崔恭祖納之濟江夏王寶元爲主部眾向建康攻竹里齊主遣左興盛督諸軍以討之萬副兒說慧景從蔣山龍尾下出其不意從之臺軍驚散左興盛走逃淮渚慧景擒殺

之時豫州刺史蕭懿將兵在小峴齊主密使告之懿方食投箸而起自采石濟江慧景獨遣崔覺將數千人度南岸戰敗慧景

遞爲人所殺寶元逃亡數日乃出齊主殺之

綱目 舊志按小峴山在今含山縣

北二十里 舊名昭關

秋八月齊將軍陳伯之再攻壽陽魏彭城王勰拒之汝陰太守

傅永將郡兵救壽陽伯之防淮口甚固永去淮口二十餘里牽

船上汝水南岸直南趣淮夜進入城勰喜甚曰吾北望已久恐

洛陽難可得見不意卿能至也令永引兵入城永曰永來卻敵

若如教旨乃是與殿下同受攻圍豈救援之意遂軍於城外八

月勰與永并勢擊伯之於肥口大破之伯之遞還淮南魏人擊

敗之遂取淮南地

綱目 舊志按汝陰今潁州府淮口淮水之口也發源桐柏山流入潁上壽州懷遠泗州

台泗水東入海肥口肥水之口也在今廬州府城南七十五里

永元三年和帝立改為中興元年詔蕭衍平定東夏九月前軍

次蕪湖南豫州刺史申胄棄姑孰走

梁書武帝紀新地

梁武帝天監二年

北魏宣武帝景明四年

冬十月梁司州刺史蔡道恭聞

魏軍將至遣將軍楊由帥城外居民保賢首山為三柵魏都督

元英勒軍圍之柵民殺由降魏任城王澄命統軍党法宗分兵

擊東關拔關要潁州大峴三城白塔牽城清溪

魏書任城王澄傳作青溪成

皆潰法宗等進拔焦城破淮陵先是梁遣馮道根戍阜陵初到

修城隍遠斥堠如敵將至眾笑之道根曰怯防勇戰此之謂也

城未畢法宗等掩至眾皆失色道根命大開門緩服登城遣精

銳出戰破之魏人見其意思閒暇戰又不利遂引去

綱目舊志按大峴

山在今含山縣東北一十三里焦城在今全椒縣西北淮陵漢縣故城在今盱眙縣舊招信縣西北二十五里

天監三年

北魏正始元年

春正月征虜將軍趙祖悅與陳伯之戰於東

關祖悅敗績蕭寶寅乃屯壽陽棲賢寺將軍姜慶真乘魏任城王在外襲壽陽據其外郭任城太妃孟氏勒兵登陴激厲文武安慰新舊勸以賞罰將士咸有奮志太妃親巡城守不避矢石蕭寶寅引兵至合擊之慶真敗走任城王澄攻梁鍾離梁主遣將軍張惠紹等將兵送糧澄遣將軍劉思祖邀之戰於邵陽大敗梁兵俘惠紹等十將殺虜士卒殆盡魏詔澄以四月淮水將漲南軍得時勿昧利以取後悔會大雨淮水暴漲澄引還壽陽

通鑑綱目舊志按邵陽洲在今鳳陽府舊府城東北八十里淮水中

天監四年北魏正始二年二月梁遣衛尉卿楊公則率宿衛兵塞洛口

梁書本紀江南通志云洛口在定遠縣西北公則遣疾強起至洛口壽春歸降者數

千戶魏豫州刺史薛恭度遣長史石榮等接戰即斬石榮逐北

至壽春去城數十里

梁書楊公則傳並新增

天監五年

北魏正始三年

春二月北徐州刺史昌義之與魏豫州刺史

陳伯之戰於梁城義之敗績

晉太元中僑立梁郡於壽春界故梁城在壽陽東北

三月伯

之叛自壽陽梁城擁眾復歸於梁梁以爲通直散騎常侍夏四

月魏以中山王英爲征南將軍都督揚徐諸軍事帥眾十餘萬

以拒梁軍所至以便宜從事五月臨川王宏前軍克梁城豫州

刺史韋叡攻小岨未拔魏出數百人陳於門外遂進擊之士皆

殊死戰魏兵敗走因急攻之中宿而拔遂至合肥先是司馬胡

略等攻合肥久未下叡夜堰肥水舟艦繼至攻魏小城魏將楊

靈允帥眾五萬奄至眾懼請奏益兵叡笑曰賊至城下益兵何

及且吾益兵彼亦益兵兵貴用奇豈在眾也遂擊破之叡使軍

主王懷靜築城以守堰魏攻拔之乘勝至隄下兵勢甚盛諸將

欲還叡怒命取繳扇麾幢樹之隄下示無動志魏人來鑿隄廡

親與之爭魏兵卻因築壘於隄以自固起闢艦高與合肥城等  
四而臨之守將杜元倫中弩死城遂潰進至東陵有詔班師諸  
將以城近恐其追躡窺悉遣輜重居前身乘小輿殿後魏人服  
叡威名望之不敢偪全軍而還於是遷豫州治合肥廬江太守  
裴邃克魏羊石霍邱城

綱目

冬十月魏發定冀瀛相并肆六州十萬人以益南行之兵梁主  
遣將軍角念屯蒙山蕭及屯固城桓和屯孤山魏都督邢巒遣  
軍攻之皆走又敗梁將軍藍懷恭於睢口進圍宿豫斬懷恭張  
惠紹蕭昞棄宿豫淮陽逃還魏主詔元英乘勝平蕩東南魏人  
逐北至馬頭攻拔之梁主命修鍾離城敕昌義之爲戰守之備  
十月英進圍鍾離魏主詔邢巒引兵會之巒表以爲宜修復舊  
戍撫循諸州以俟後舉不聽巒又表以爲臣甘苟怯懦不進之

責不受敗損空行之罪魏主乃以將軍蕭寶寅代繼十一月梁主詔將軍曹景宗都督諸軍二十萬收鍾離敕景宗頓道人洲

俟眾軍俱進景宗固求先據邵陽洲尾不許景宗違詔而進值

風復還

綱目舊志按離口離水之口在今宿州北二十里今名小河源馬頭山在今來安縣北七十里質實云道

人洲未詳惟天長縣東三十五里有道人

山邵陽洲在屬陽府舊府城東北八十里

天監六年

北魏正始四年春魏中山王英與將軍楊大眼等眾數十萬

攻鍾離鍾離城北阻淮水魏人於邵陽洲兩岸爲橋樹柵數百

步跨淮通道城中纔三千人昌義之隨方抗禦魏人晝夜苦攻

一日戰數十合前後殺傷萬計於是梁主命韋叡救之受曹景

宗節度叡自合肥由陰陵大澤行值澗谷輒飛橋以濟師旬日

至邵陽洲叡塹洲爲城去魏城百餘步馮道根能走馬步地計

馬足以賦功比曉而營立英大驚曰是何神也楊大眼將萬騎

來戰徽結車陳以強弩二千一時俱發矢貫大眼右臂退走明  
旦英自率眾戰徽乘素木輿執白角如意以麾軍一日數合英  
乃退梁主命景宗等豫裝高艦與魏橋等爲火攻之計三月淮  
水漲徽使馮道根等乘艦擊魏洲上軍盡殪別以小船載草灌  
膏焚其橋風怒火盛烟塵晦冥死士拔柵斫橋倏忽俱盡道根  
等身自搏戰軍人奮勇呼聲動天地無不一當百魏軍大潰英  
脫身走大眼亦焚營去緣淮百餘里尸相枕藉生擒五萬人收  
其資糧器械山積

綱目

天監九年夏六月宣城郡吏吳承伯挾妖術聚眾攻郡殺太守  
奄至吳興太守蔡搏出戰太破斬之

綱目

天監十三年

北魏延昌三年

冬魏降人王足陳計求堰淮水以灌壽陽

梁主以爲然使水工陳承伯將軍祖暕視地形咸謂淮內沙土

漂輕功不可就弗聽發徐揚民率二十戶取五丁以築之假康  
 絢都督諸軍并護堰作役人及戰士合二十萬南起浮山北抵  
 嶼石依岸築土合脊於中流綱目 舊志按浮山在盱眙縣西一百四十里北臨淮水一名臨淮山

天監十四年北魏延昌四年夏四月梁淮堰潰復築之秋九月梁將軍

趙祖悅襲魏西硤石據之以偪壽陽田道龍等散攻諸戍魏李

崇分遣諸將拒之綱目 壽州西北三十五里有硤石山山上二城在西岸者為西硤石

天監十五年北魏孝明帝熙平元年春二月魏遣將軍崔亮攻硤石未下

與李崇約水陸並進崇屢違期不至胡太后以諸將不一乃以  
 尚書李平為行臺節度諸軍平至硤石督崇亮等刻日進攻無  
 敢乖互戰屢有功梁主使將軍昌義之救浮山未至康絢已擊  
 魏兵卻之使義之救硤石亮遣將軍崔延伯守下蔡延伯取車

輪橫水爲橋戰艦不通義之不得進李平部分水陸攻硤石克

外城趙祖悅出降斬之綱目舊志按下蔡漢縣故城在今壽

州北三十里此條南史不載見北史

九月梁淮堰壞綱目

普通五年北魏正光五年秋八月梁徐州刺史成景儁拔魏僮城梁書

棧在泗州東北九月又克睢陵趙景悅圍荆山裴邃帥騎三千襲壽陽

夜斬關而入克其外郭魏揚州刺史長孫稚禦之一日九戰梁

後軍失道不至遂引兵還魏使行臺鄴道元都督河間王琛救

壽陽安樂王鑒救淮陽梁兵敗績綱目舊志按荆山故城在

壽陽縣鍾離廢縣西八十

里三冬十月裴邃攻魏建陵城克之拔曲陽將軍彭寶孫拔瑯邪檀

邱裴邃拔荻城僊城進屯黎漿一作黎將亭在壽州魏東海太守以司吾

城降將軍曹世宗拔曲陽魏守將多棄城走綱目舊志按曲

陽縣故城在今

定遠縣西北九十五里

普通六年

北魏孝昌元年

春正月梁裴邃拔魏鄭城

在潁上縣東南

汝潁之間

所在響應魏河間王琛等憚邃威名軍於城父魏遣使齎庫刀

以趣之琛至壽陽欲決戰長孫稚以爲未可不聽引兵出擊遠

爲四甄以待之使將軍李祖憐先挑戰而僞退稚琛悉眾追之

四甄競發魏師大敗

綱目

二月趙景悅下魏龍亢城

此條還鑑不載據梁書增

夏五月築宿豫堰六月豫章王綜叛降魏魏人入彭城乘勝追

擊梁兵復取諸城至宿豫而還將士死者什七八梁主密召夏

侯亶遣使休兵合肥俟淮堰成復進

綱目

普通七年

北魏孝昌二年

冬十一月梁主乘淮堰水盛遣豫州刺史夏

侯亶等侵魏魏揚州刺史李憲以壽陽降梁陳慶之人據其城

凡降城五十二獲男女七萬五千復以壽陽爲豫州改合肥爲

南豫州以夏侯竄爲二州刺史壽陽久罹兵革民多流散竄輕

刑薄賦務農省役頃之民戶克復

綱目

大通元年

北魏孝昌三年

領軍曹仲宗直閣陳慶之攻魏渦陽魏遣將

軍元昭等帥眾五萬救渦陽慶之及其未集進擊破之連營而

進背渦陽城與魏軍相持自春至冬數十百戰魏作十三城欲

以控制梁軍慶之銜枚夜出陷四城渦陽城主王緯乞降慶之

陳其俘馘鼓譟隨之九城皆潰追擊之俘斬略盡戶咽渦水

綱目

梁書陳慶之傳

十月魏東豫州刺史元慶和以渦陽內屬十一月梁以中護

軍蕭淵藻爲北討

綱目作北道

都督征北大將軍鎮渦陽以渦陽置

西徐州

梁書本紀新附

武帝中大通元年

北魏孝莊帝永安二年

夏五月陳慶之以眾數千發鉅

縣至洛陽凡取三十二城四十七戰所向皆克綱目 舊志按

臨漢縣故附在今宿州西南九十里

中大通五年北魏孝武帝 永熙二年夏五月魏下邳叛降於梁綱目

東魏孝靜帝武定五年梁武帝太清元年冬十二月行臺慕容紹宗引

軍擊梁侯景退保渦陽紹宗士卒十萬長驅而進景命戰士皆

被短甲執短刀入東魏陳但低視斫人脛馬足東魏兵遂敗紹

宗奔譙城其裨將斛律光等尤之紹宗曰吾戰多矣未見如景

之難克也君等試犯之光及張恃顯被甲將出紹宗戒之曰勿

渡渦水二人軍於水北景使其徒田遷射光馬洞胷光易馬隱

樹又中之退入於軍景禽恃顯而捨之光走入譙城綱目

武定六年梁太清二年春正月慕容紹宗以鐵騎五千夾擊侯景景

眾大潰濟淮得步騎八百人晝夜兼行追軍不能偪使謂紹宗

曰景若就擒公復何用紹宗乃縱之景走壽陽夜至城下監州事韋黯開門納景景遂襲據壽陽遣其將分守四門梁以爲南豫州收綱目

秋八月東魏遣兵略地江淮取梁二十三州綱目

梁太清二年

東魏武定六年

秋八月侯景反於壽陽以誅中領軍朱异

等爲名西攻馬頭遣其將宋子仙東攻木柵詔以鄱陽王範封山侯正表司州刺史柳仲禮散騎常侍裴之高爲四道都督邵陵王綸持節兼督眾軍以討景景聞臺軍討已問策於王偉用其計詐稱出獵冬十月襲譙州執刺史蕭泰攻歷陽太守莊鐵以城降景以鐵爲導引兵臨江梁主以臨賀王正德督諸軍屯丹陽正德遣大船數十艘詐稱載荻密以濟景景至慈湖建康大駭邵陵王綸兼程入援帥步騎三萬自京口西上景遣軍拒

之譙州刺史趙伯超記綸突據廣莫門出賊不意從之夜行迂道二十餘里旦營於蔣山景見之大駭分兵攻綸綸與戰敗之安南侯駿見景軍退以爲走卽與壯士逐之景旋軍擊駿敗走趣綸軍景乘勝追擊諸軍皆潰綸奔朱方

綱目

太清三年

東魏武定七年

春梁淮陽郡叛降於東魏三月侯景遣來亮

入宛陵宣城太守楊白華誘斬之景遣李賢明攻之不克

綱目舊

志按宛陵漢縣今宣城縣

秋七月梁台州刺史鄱陽王範聞臺城陷戒嚴欲入僚佐或說之曰今魏人已據壽陽大王移足則虜必窺合肥範乃止會高澄遣李伯穆偪合肥範方謀討侯景藉東魏爲援乃以合州輪伯穆偪二子於鄴以乞師出屯濡須以待上游之軍久之不至東魏亦不爲出師範糧乏進退無計乃西軍從陽

綱目舊志按台州今應

州府從陽在  
今桐城縣境

是時海甯黥歙等縣及宣城郡界多盜海甯人程靈洗召募少年捕逐劫盜侯景亂靈洗聚徒據黥歙以拒景景軍據新安新安太守湘西侯蕭隱奔依靈洗靈洗奉以主盟

陳書南史程靈洗傳 新增

簡文帝大寶元年冬十月甯州刺史徐文盛討侯景與任約遇於貝磯任約迎戰文盛大破之進軍大舉口侯景以任約守西

陽久不能進自出屯晉熙

綱目 舊志按 晉熙今太湖縣

大寶二年夏五月湘東王繹遣王僧辯引兵東下豫州刺史荀朗自巢湖出濡須邀景破其後軍太子船入樅陽浦即命前進宋子仙等困蹙乞輸城而還僧辯偽許之命給船百艘以安其意子仙將發僧辯命杜龕帥精勇千人攀堞而上子仙走至白楊浦大破之

綱目

是年賊司空東南道大行臺劉神茂等赴義奉表請降梁書元帝紀

新安海甯人程靈洗攻下新安與神茂相應陳書程靈洗傳元帝授靈

洗譙州刺史資領新安太守南史程靈洗傳神茂為景所破景偏帥呂

子榮攻新安靈洗退保黟歙陳書程靈洗傳新增

八月晉熙人王僧振鄒龍起兵襲郡城偽晉州刺史夏侯威生

遜走梁書簡文帝紀按晉熙郡今潯山縣治 新增

孝元帝承聖元年春二月湘東王始命僧辯等東擊侯景陳霸

先會僧辯於白茅灣使侯瑱襲南陵鵲頭二戍克之三月王僧

辯等至蕪湖景聞之懼侯子鑒據姑孰南洲以拒西師景戒子

鑒曰西人善水戰勿與爭鋒若得步騎一交必當可破但結營

岸上引船入浦以待之子鑒乃舍舟登岸閉營不出僧辯等停

軍蕪湖十餘日景黨大喜告景曰西師將遜不擊且失之景乃

復命子鑒爲水戰之備僧辯至姑孰子鑒帥步騎挑戰又以舳舻千艘載戰士僧辯麾細船皆退畱大艦夾泊兩岸子鑒之眾謂水軍欲退徑出趣之大艦斷其歸路鼓譟大呼合戰中江子鑒大敗僅以身免

綱目

侯景既敗呂子榮退走程靈洗復據新安進軍建德擒賊帥趙

桑乾

陳書程靈洗傳折始

北齊文宣帝天保四年

梁元帝承聖二年

秋九月齊主使郭元建治水

軍於合肥將襲建康梁主使南豫州刺史侯瑱與戰於東關敗

之溺死萬人齊師退

綱目

舊志此下有宿豫人東方額降梁及齊拔宿豫事今刪

天保六年春三月齊遣梁貞陽侯淵明還梁稱帝以兵納之先

使邢子才詣建康與王僧辯書曰嗣主冲藐未堪負荷彼貞陽

侯梁武猶子長沙之嫡以望以年堪保金陵故置爲梁主卿宜

迎接僧辯不從淵明至東關散騎常侍裴之橫禦之敗死僧辯  
大懼出屯姑孰五月遣使奏啟於淵明定君臣之禮淵明許之  
自采石濟江齊師還九月陳霸先殺僧辯廢淵明十一月齊遣  
兵渡江據姑孰使都督蕭軌將兵屯江北綱目

梁敬帝太平元年

北齊天保七年

春正月陳霸先使周文育將兵擊江

州刺史侯瑱於湓城又遣侯安都周鐵虎立柵於梁山以備之  
三月齊遣儀同三司蕭軌與任約徐嗣徽合兵十萬侵梁出柵  
口向梁山陳霸先帳內盪主黃叢逆擊破之齊師退保蕪湖霸  
先遣沈泰等就侯安都共據梁山以禦之夏五月齊人召梁建  
安公淵明詐許退師陳霸先具舟送之會其病卒齊兵遂至秣  
陵陳霸先召周文育與徐度杜稜禦之齊人跨淮立橋柵度兵  
夜至方山徐嗣徽等列艦青墩以斷文育歸路文育攻之斬其

驍將鮑磻嗣微眾大駭因畱船蕪湖自丹陽步上齊兵進及兒  
塘建康震駭霸先拒嗣微等於白城綱目舊志按青墩卽青  
山在太平府城東南三十  
里

陳武帝永定三年

北齊天保十年梁永嘉王莊天啟二年

冬十一月梁丞相王琳

奉梁主莊出屯濡須口齊行臺慕容儼帥眾臨江爲之聲援琳  
攻大雷陳遣侯瑱侯安都及徐度將兵禦之吳明徹夜襲淝城  
琳遣任忠擊明徹大破之因引兵東下綱目舊志引太子左衛率程  
靈洗破琳前軍於南陵虜其兵士并獲青龍十餘乘陳書程靈  
洗傳

史同  
新垣

文帝天嘉元年春二月王琳至柵口侯瑱出屯蕪湖相持百餘  
日琳恐眾潰乃帥舟師東下去蕪湖十里而泊齊軍屯西岸爲  
之聲勢時西南風急琳引兵直趣建康瑱等徐躡其後風反爲

瑱用琳擲火炬皆反燒其船瑱發拍擊艦以牛皮冒蒙衝小船觸之琳軍大敗自相蹂踐陳軍乘之斬獲萬計琳與梁主莊走

奔齊

綱目舊志引

陳都督南豫州刺史程靈洗乘勝逐北據有魯山

陳書文帝紀

程靈洗傳 新增 南史

天嘉二年春正月齊主使王琳出合肥召募更圖進取陳合州刺史裴景微請爲嚮導齊主使琳與盧潛將兵赴之琳沈吟不決景微恐事泄挺身奔齊齊主以琳爲驃騎開府揚州刺史鎮

壽陽

綱目

畱異黨向文政據新安陳貞毅將軍新安太守程文季時隨侯安都東討率精甲三百往攻文政遣其兄子瓚來拒文季大破瓚軍文政降

陳書程靈洗子文季傳 新增

天嘉三年陳討其江州刺史周迪四年冬十一月周迪越東興

嶺爲寇詔護軍章昭達將兵討破之迪潛竄山谷綱目東興在無爲州東

北五十里巢湖東南一名東關口

天嘉五年冬十月周迪復出東興陳宣城太守錢肅以城降之

迪眾復振陳南豫州刺史周敷帥所部擊之迪紿敷言欲還朝

乞挺身其盟敷許之方登壇爲迪所殺綱目

宣帝太建五年北齊溫公緯武平四年夏四月以鎮前將軍吳明徹都督

征討諸軍事以尙書裴忌監軍事統眾伐齊遣黃法蕤將兵出

歷陽齊遣軍救歷陽法蕤擊破之齊使王琳赴壽陽召募以拒

陳廬江歷陽合肥皆降於陳法蕤禁侵掠撫戍卒與之盟而縱

之高唐等城亦降於陳綱目舊志按高唐今宿松縣

秋七月齊遣陸騫救齊昌遇陳將周炅炅畱羸弱設疑兵以當

之帥精銳由間道邀其後大破之齊王琳保壽陽陳吳明徹以

琳初入眾心未固乘夜攻之城潰舊志引別遣將軍程文季圍

涇州屠其城進攻盱眙拔之文季仍隨明徹圍壽陽陳書程文季傳新

增

冬十月吳明徹攻壽陽堰肥水以灌城城中腫泄死者什六七

齊皮景和等救壽陽眾數十萬去壽陽三十里頓軍不進明徹

曰兵貴神速而彼結營不進自挫其鋒其不敢戰明矣乃攻拔

之擒王琳等送建康恐其為變遣使追斬之綱目

周靜帝大象元年陳太建十一年冬十一月周行軍元帥韋孝寬侵陳

克壽陽十二月南北兖晉三州及盱眙馬頭歷陽北譙等郡民

並自拔還江南周又取譙北徐州自是江北之地盡沒於周綱目

舊志按馬頭劉宋郡名故址在今來安縣北七十里馬頭山下北譙今全椒縣

隋文帝開皇八年陳後主禪冬十月置淮南省於壽春以晉王

廣等爲行軍元帥率師伐陳綱目

九年春正月朔總領賀若弼韓擒虎進軍滅陳擒虎出廬州將五百人自橫江宵濟采石守者皆醉遂克之所至風靡進攻姑

孰半日拔之綱目

十年揚州總管郭衍討宣城黥歛諸洞盡平之隋書郭衍傳

十二年黥賊帥沈雪沈能據柵自固行軍總管楊素攻拔之

隋書楊素傳

泉州刺史來護兒從蒲山公李寬破汪文進於黥歛隋書來護兒傳

二十年三月辛卯熙州人李英林反遣行軍總管張衡討平之

時改潛爲熙州隋書本紀

煬帝大業十年冬十二月齊郡孟讓自長白山寇掠諸郡至盱

貽眾十餘萬據都梁宮阻淮爲固江都丞王世充將兵拒之柵塞險要羸形示弱民間亦皆結堡自固野無所掠賊眾漸餒乃留兵圍柵分人於南方抄掠世充伺其懈縱兵出擊大破之讓

遜去

綱目 舊志按都梁宮在今盱眙縣西南三里

十一年冬十月城父朱粲兵起粲始爲縣佐史從軍亡命聚眾爲盜謂之可達寒賊自稱迦樓羅王眾至十餘萬引兵掠荆沔

綱目

十三年春正月齊郡賊杜伏威帥眾渡淮

隋書本紀光祿大夫陳稜

討伏威閉壁不戰伏威遣以婦人之服謂之陳姥稜怒出戰伏威奮擊大破之遂引兵據歷陽

綱目

是時煬帝游江都天下盜起杜伏威起淮南汪華起新安皆號吳王左難當據涇號總管殷恭遠據舒州梅知巖據宣城

唐書高祖

本紀 按隋淮南郡今壽州治  
新安郡今休甯縣治 新增

三月廬江人張子路舉兵反陳稜討平之李通德寇廬江左屯

衛將軍張鎮周擊破之

隋書本紀 新增

唐高祖武德四年杜伏威遣王雄誕破汪華於歙州華降

舊唐書杜

伏威王雄誕 傳 新書同

六年春正月徐圓朗陷泗州二月行軍總管李世勣敗之執圓

朗八月淮南行臺左僕射輔公祏反遣將陳正通寇壽陽詔趙

郡王孝恭趨九江嶺南大使李靖下宣城懷州總管黃君漢出

譙齊州總管李世勣由淮泗討之孝恭取蕪湖下梁山三鎮公

祏遣將屯博望山青州山以拒戰孝恭率諸將破之公祏棄丹

陽走追禽之江南平

唐書本紀河間王孝恭 傳輔公祏傳 新增

中宗嗣聖元年秋八月英公李敬業起兵揚州使韋超屯都梁

山太后遣將軍李孝逸擊之軍至臨淮戰不利敬業勒兵阻溪拒守孝逸進擊之因風縱火敬業兵敗孝逸追之其將王那相

斬敬業等首來降

綱目 舊志按都梁山在今時縣東南五十里

元宗天寶十五載冬十月永王璘反以高適爲淮南節度使來瑒爲淮南西道節度使與江東節度使韋陟其圖璘璘遂引舟師沿江東下吳郡太守李希言平牒璘詰之璘怒遣其將渾惟明襲吳郡季廣琛襲廣陵破其兵於當塗

綱目

肅宗上元元年冬淮西節度使奏副使劉展倔彊不受命上以展爲江淮都統代李峘密敕李峘及淮東節度使鄧景山圖之十一月展反峘引兵渡江鄧景山將萬人屯徐城展素有威名江淮人望風畏之使其將孫待封擊景山景山眾潰展入廣陵遣屈突孝標徇濠楚展軍白沙設疑兵若將趣北固者李峘悉

兵拒守展襲之峘軍潰奔宣城副使李藏用請收餘兵竭力以拒之峘乃悉以後事授藏用藏用收散卒募壯士得二千餘人立柵以拒展戰敗奔杭州展遂陷宣濠楚舒和滁廬等州所向摧靡橫行江淮閒鄧景山奏乞敕平盧兵馬使田神功救淮南且遣人趣之神功悉眾南下展懼選精兵渡淮擊神功連戰皆敗

綱目舊志按濠今鳳陽府白沙山在今鳳陽府東八十里

二年春正月田神功使楊惠元范知新等分道擊劉展展拒擊之將軍賈隱林射展中目遂斬之惠元破王暉於淮南孫待封詣李藏用降餘黨皆平平盧軍大掠十餘日安史之亂兵不至江淮至是其民始罹荼毒矣

綱目

代宗永泰元年歙州人殺其刺史龐籍

唐書本紀

盜方清陷歙州州

民拒賊保於山險明年賊平

唐書地理志

左武衛中郎將柏良器以

部兵平之

唐書李光弼傳附  
柏良器傳 新增

大厯十一年淮南盜陳莊陷舒州刺史張萬福破之

唐書張萬福傳 新增

德宗建中四年冬十一月陳少遊將兵討李希烈屯盱眙聞朱

泚作亂引兵歸廣陵旋送款於希烈

綱目

興元元年春正月李希烈僭號稱大楚皇帝遣其將楊峰

舊唐書傳

作豐齋赦如淮南壽州刺史張建封執之腰斬以徇上悅以建封

為濠壽廬都團練使希烈乃以其將杜少誠將步騎十萬先取

壽州建封遣其將賀蘭元均守霍邱少誠竟不能過遂南寇斬

黃

綱目

貞元十四年秋九月吳少誠叛侵壽州

綱目

憲宗元和十年春正月吳元濟反縱兵侵掠李師道數上表謂

赦元濟上不從師道使大將將二千人趨壽春聲言助官軍實

以援元濟也

綱目

宣宗大中十二年秋七月

唐書本紀作八月

宣州軍將康全泰逐觀察

使鄭薰冬十月以淮南節度使崔鉉兼宣歙池觀察處置使討

平之

綱目

懿宗咸通九年秋七月桂州戍卒作亂初南詔陷安南敕徐州募兵二千赴援分八百人別戍桂州約三年一代至是已六年求代還徐泗觀察使崔彥曾令更畱一年戍兵怒都虞候許佶等殺都將王仲甫推糧料判官龐勛爲主劫庫兵北還所過剽掠州縣莫能禦至符離宿州戍卒出戰望風奔潰賊遂攻城陷之勛自稱兵馬畱後掠船載資糧順流而下聚彭城冬十月陷徐州遣其將劉行及屯濠州李圓屯泗州梁丕屯宿州行及引

兵至渦口濠州刺史盧望回死之

舊志本綱目作開門迎之今據新唐書本紀作死之改案

舊唐書本紀云助因望同於迴車館望同鬱憤而死新唐書康日知子承訓傳敘助事甚詳亦云偽將劉行及攻濠執望同

泗州刺史杜愔完守備以待辛讜與愔有舊自廣陵如泗州助

之李圓至攻之不克十一月詔遣康承訓爲行營都招討使發

諸道兵討之助以李圓攻泗州久不克遣其將吳迴代攻晝夜

不息時敕使郭厚本將淮南兵千五百人救泗州至洪澤畏賊

強不敢進辛讜夜乘小舟潛度說厚本不聽而還賊攻益急讜

復往厚本乃分五百人與之讜帥以進擊賊賊敗走

綱目舊志按洪澤

浦在今盱眙縣北三十里舊名破斧澗

十二月勛將劉佶等陷都梁城據淮口漕驛路絕承訓軍新興

兵纔萬人以眾寡不敵退屯朱州勛乃分遣其將南寇舒廬破

下蔡烏江巢縣攻陷滁州殺刺史高錫望又寇和州刺史崔雍

引賊入城賊遂大掠泗州援絕糧盡讜夜帥敢死士十人執長  
柯斧乘小舟破賊水寨而出明旦賊以五千人追之讜力鬪三  
十餘里乃得免至揚州見令狐綯至潤州見杜審權審權遣兵  
二千人與淮南其輸米五千斛鹽五百斛以救泗州戴可師將  
兵三萬渡淮轉戰而前王宏立奄至縱擊可師及監軍皆死勛  
乘閒圍壽州讜以浙西軍至楚州賊水陸布兵鎖斷淮流讜以  
四舟乘風直進斧斷其鎖鼓譟而前賊避之遂得入城綱目  
十年夏四月康承訓進與賊將姚周戰一日數十合遂圍柳子  
會大風四面縱火賊棄寨走沙陀以精騎邀之屠殺殆盡周奔  
宿州守將梁丕斬之勛走歸彭城馬舉將精兵三萬救泗州分  
軍三道渡淮至中流大譟聲聞數里賊大驚斂兵屯城西寨舉  
就圍之縱火燒柵賊眾大敗王宏立死吳迴退保徐城泗州之

圍始解綱目

秋七月康承訓克臨渙乘勝進抵宿州初龐勛怒梁不殺姚周使張元稔代之元稔嘗戍邊有功雖被脅從心常憂憤謀歸國承訓又遣人招諭之至是遂降詐爲城陷引眾趨符離斬其守將收其兵北趨徐州徐州遂平勛將兵二萬自石山出承訓引步騎八萬西擊之勛南掠亳州沙陀追及之官軍亦大集縱擊殺賊近萬人餘皆溺死勛亦死賊諸寨皆降

綱目 舊志按臨梁縣故址在今

宿州西南九十里

冬十月南面招討使馬舉克濠州旋以辛讜爲亳州刺史讜在泗州犯圍出迎兵糧往返凡十二及除毫州上表言臣之功非杜悁不能成也

綱目

僖宗乾符三年十二月王仙芝陷申光廬壽通舒六州五年二

月王仙芝伏誅

唐書本紀  
新增

秋七月黃巢寇宣州觀察使王凝拒

之巢攻城不克

綱目  
舊志引

六年黃巢陷宣歙池等州

唐書本紀  
新增

廣明元年夏六月黃巢陷宣州

唐書本紀  
同

秋七月巢自采石渡江

圍天長兵勢甚盛諸道行營都統高駢力不能制不敢出兵上

表告急詔書責駢駢遂稱風痺不復出戰巢眾號十五萬駢將

曹全晟以兵五千與之戰頗有殺獲以眾寡不敵退屯泗上以

俟援軍而高駢竟不之救賊遂擊全晟破之綱目遂陷滁和二州

辛酉以天平節度使曹全晟為東面副都統唐書本紀巢率眾渡淮

所過不虜掠惟取丁壯以益兵

綱目

中和元年秋八月壽州屠者王緒稱將軍與妹夫劉行全聚眾

五百盜據本州

綱目  
德宗本紀云霍邱  
鎮使王緒陷壽光二州

二年和州刺史秦彥逐宣歙觀察使竇滂

唐書本紀

三年冬十月全椒賊許勅陷滁州

唐書本紀  
新增

十二月朱全忠據

亳州

綱目

四年二月舒州賊吳迴李本逐刺史高漢據其城楊行密遣將

陶雅張訓擒斬之

唐書本紀及楊  
行密傳  
新增

光啟三年夏四月淮南都將畢師鐸等發兵討呂用之至廣陵

遣孫約詣宣州乞師於觀察使秦彥彥遣其將秦稠將兵三千

助之攻克羅城用之亡走彥入揚州廬州刺史楊行密引兵攻

之初呂用之詐爲高駢牒署楊行密行軍司馬追

一作  
遣誤

兵入攻

廬江人袁襲說行密趣赴之行密從之至天長用之及鎮遏使

張神劍皆以其眾歸之彥閉城自守遣秦稠出戰敗死

綱目

文德元年春正月蔡將石璠寇陳毫朱全忠遣朱珍葛從周將

兵擊擒之詔以全忠爲都統代時溥諸鎮兵皆受節制二月以

楊行密爲淮南留後四月孫儒陷楊州行密奔廬州畏孫儒之  
偏袁襲曰趙鐸新得宣州怙亂殘暴眾心不附公宜卑辭厚幣  
說和州孫端上元張雄使自采石濟江侵其境彼必來逆戰公  
自銅官濟江會之破鐸必矣行密從之鐸將蘇塘等出戰大敗  
秋八月行密遂圍宣州綱目 舊志按銅官山銅陵縣南十里又名利國山  
朱全忠遣兵擊徐州大破其兵遂取宿州綱目

昭宗龍紀元年夏六月楊行密圍宣州城中食盡人相啗指揮

使周進思據城逐趙鐸未幾城中執進思以降行密入宣州綱目

宣歙觀察使趙鐸死之廬州刺史蔡儔以州降於孫儒唐書本紀

大順元年四月宿州將張筠逐刺史張紹光以宿州復歸於時

溥五代史梁本紀舊五代史梁本紀新増

二年春正月孫儒盡舉淮蔡之兵濟江轉戰而南楊行密城戍

皆望風奔潰儒將李從立奄至宣州東溪行密守備尚未固眾  
心危懼夜使其將臺濛將五百人屯溪西濛使士卒傳呼往返  
數四從立以為大眾繼至遂引去五月孫儒遣兵據滁和楊行  
密將李神福攻克之

綱目

十月朱全忠陷宿州

唐書本紀

先是全忠遣丁會急攻宿州刺史張

筠堅守其壁會率眾於州東築堰壅汴水浸其城至是筠降

舊唐書

代史梁紀

新增

十一月全忠陷壽州

唐書本紀  
新增

十二月孫儒引兵逼宣州屢破楊行密之兵旌旗輜重亙百餘  
里行密求救於錢鏐鏐以兵食助之

綱目

景福元年春二月孫儒圍宣州時朱全忠連年攻時溥泗濠等  
州民不得耕穫復值水災人死者十六七溥困甚請和於全忠

全忠曰必移鎮乃可溥許之全忠乃奏請移溥他鎮詔以溥爲太子太師溥恐全忠詐而殺之據城不奉詔夏四月遣兵南侵至楚州楊行密將張訓李德誠敗之於壽河遂取楚州六月楊行密以孫儒兵眾欲退保銅官謀於諸將皆以爲不可且曰淮南士民及自儒軍來降者甚眾公宜遣將先護送歸南使復生業儒軍聞淮南安堵皆有思歸之心人心既搖安得不敗行密悅從之於是屢破儒兵復斷其糧道儒食盡士卒大疫行密縱兵擊之儒軍大敗田頽擒斬之傳首京師行密表田頽守宣州

綱目

十月蔡儔以廬州叛附於朱全忠

唐書本紀  
新傳

十一月武甯軍將張燧張諫以濠泗二州叛附於朱全忠

唐書  
本紀

增

新全忠取濠泗等州

綱目

二年秋七月楊行密克廬州先是廬州刺史蔡儔發楊行密父祖墓遣使求救於朱全忠全忠惡其反覆牒報行密行密遣李神福將兵討儔克而斬之

綱目

八月行密遣田頴攻歙州刺史裴樞城守久不下時諸將爲刺史者多貪暴獨池州陶雅寬厚得民歙人曰得陶雅爲刺史請聽命行密卽以雅爲刺史歙人納之雅盡禮見樞送之還朝

綱目

冬十月楊行密取舒州以李神福爲舒州刺史

唐書本紀及楊行密傳通鑑

綱目

乾甯元年冬十一月朱全忠遣使至泗州陵慢刺史張諫諫舉州降楊行密行密遣押牙唐令回持茶萬餘斤如汴宋貿易全忠執令回盡取其茶揚汴始有隙

綱目

二年春三月楊行密攻濠州拔之執刺史張燧夏四月行密圍

壽州不克將還其將朱延壽請試往更攻一鼓拔之執刺史江從勛以延壽權知壽州未幾汴兵數萬攻之延壽制軍中每旗二十五騎命黑雲隊長李厚將十旗擊汴兵不勝將斬之厚稱眾寡不敵乃益以五旗厚殊死戰延壽悉眾乘之汴兵敗走唐

本紀通鑑綱目

四年冬十月朱全忠大舉擊楊行密遣龐師古壁清口葛從周壁安豐全忠自將屯宿州行密與朱瑾將兵三萬拒之師古營地汙下瑾壅淮上流欲灌之以五千騎趣其中軍士卒倉皇拒戰淮水大至汴軍駭亂行密督大軍夾攻之汴軍大敗斬師古從周奔還行密瑾乘勝追擊之殺溺殆盡全忠亦奔還行密由是保據江淮全忠不能與之爭

綱目舊志按安豐漢縣故址在今壽州西南六十里

天復二年夏五月昇州刺史馮宏鐸帥眾襲宣城田頌帥舟師

逆擊破之

綱目

楊行密發兵討朱全忠欲以巨艦運糧徐溫曰運路久不行請用小艇庶幾易通軍至宿州會久雨重載不能進士有飢色而小艇先至行密由是奇溫始與議軍事攻宿州竟不克乃引兵還

綱目

三年秋八月宣州守將田頔反楊行密使李神福討之頔遣王檀汪建將水軍逆戰大敗頔自將水軍逆戰神福堅壁不出遣使請行密發兵斷其歸路行密遣臺濛將兵應之十一月頔敗奔還濛引兵圍其城頔帥敢死士數百出戰濛擊斬之遂克宣州

綱目

昭宣帝天祐元年冬十一月全忠自頔渡淮次於霍邱攻壽州不克大掠廬壽之境而還

舊五代史梁書五代史梁本紀通鑑新増

二年正月全忠攻壽州圍之壽人堅壁不出乃自霍邱引歸五

代史 冬十月全忠出光州路趨淮南迷道遇雨比及壽州

壽人堅壁清野以待之乃退舍正陽十一月渡淮而北柴再用

抄其後軍斬首三千級獲輜重萬計

舊五代史 十國春秋 通鑑 新增

三年春正月宣州觀察使王茂章奔杭州楊渥之去宣州也欲取其幄幕及親兵以行茂章不與渥怒既襲位遣李簡等將兵襲之茂章以宣歙二州叛附於錢鏐

綱目 唐書本紀